



What is our social policy, if we have one
Page 6

Laipstail:

HMAS Tobruk kamap long PNG long wok bilong Pasifik Patnasip 2010

OBE i no wok gut

...Ol tisa i mas kisim moa trening

AUTKAM Beis Edukesen (OBE) i no wok gut na i no helpim ol sumatin long lainim bilong ol, Nesenel Risets Institut (NRI) i i tok.

Wanpela ripot i tok Edukesen Dipatmen i mas hariap glasim na ske-lim senis long OBE kurikulum. Na olgeta tisa i mas sindaun long

trening long save na go hetim OBE na ol nupela senis insait long Edukesen sistem long dispela kantri.

NRI long aste Trinde i bin lonsim tupela risets wok pepa i bin lukluk long watpo ol Sumatin i Save Lusim Skul na Kurikulum Lainim long ol PNG skul.

Dokta Patricia Paraide i bin go pas long risets i bin lukluk long watpo ol sumatin i save lusim skul na Dokta Arnold Kukari i bin go pas long risets i sut long Kurikulum Lainim long ol PNG skul.

Autkam Beis Edukesen i kuriku-lum we ol tisa i bihainim long skulim

ol pikinini aninit long nupela eduke-sen rifom i bin stat long dispela kantri 15 yia i go pinis long 1995. Aninit long OBE kurikulum, ol sumatin bai mekim wok ol yet taim ol tisa bai supavaisim ol.

Veronica Hatutasi i raitim

I go moa long pes 2



OL ELEMENTERI SKUL PIKININI: Tru ya, skul i ples bilong poroman wantaim ol narapela na stap amamas long lainim ol nupela samting olsem ol dispela El-ementereri skul pikinini i soim. Tasol ol I mas gat ol gutpela tisa long lainim ol gut aninit long OBE modol.

Kisim Motorola WX181!



Baim Niupela Moto WX181. I kam wantaim FM redio na planti moa!

Olgeta fon igat fri kredit na frim sim kad stap insait pinis..

Digicel

Bikpela, Stronpela moa Network bilong PNG.

Digicel Tems na Kondisen i stap.



OBE i no wok gut...

I kam long pes 1

Dispela i narakain long pas-taim kurikulum we planti long yumi i bin skul aninit long em we ol sumatin i save sindaun harim ol tisa i go pas long ol skul lesen.

"Nupela OBE modul i no wok gut long PNG bikos i nogat kurikulum senis tisa trening long provinsel, distrik na skul level. Tu, Edukesen Dipatmen i no soim stia na lidsip long go hetim trening. Moa yet, i nogat mani long provinsel level long karimaut tisa trening long ol-geta hap bilong kantri. i nogat inap metiriel o ol samting long helpim ol tisa i mekim wok long lainim ol sumatin aninit long nupela OBE modul," Dokta Kukari i tok.

Risets i painimaut olsem taim Edukesen Dipatmen i no soim stia na lidasip long dispela, ol dona ejensi olsem Kurikulum Rifom Implimentesen Progam (CRIP) bilong AusAID i bin go pas givim stia long go hetim rifom developmen na trening.

Tasol risets i tok tru, CRIP i bin kariamut gupela trening long nesenel level, em i bin kisim tasol liklik lain tisa long provinsel, distrik na skul level long sindaun long ol trening. Tu, risets i painimaut olsem CRIP i no bin bihainim ol polisi na ol rot olsem kurikulum bai kamapim kwaliti lainim we Edukesen Dipatmen i putim long en.

"Bikos planti tisa i no sindaun long trening, ol i pilim olsem ol i no gat save long karimaut nupela OBE kurikulum. Ol i nogat inap metiriel na ol risos long helpim ol i karimaut ol wok aninit long OBE. Ol dispela wantaim ol narapela i mekim planti lain i no amamas na legensim OBE kurikulum modul, go hetim bilong em na salens long kurikulum i larim ol sumatin i mekim planti ol wok ol yet, tasol ol PNG skul i nogat ol tising metiriel long ol tisa na sumatin long yusim," risets ripot bilong Dokta Kukari i tok.

Planti ol tisa i bin stap long lons bilong tupela ripot i bin wanbel long risets ripot. Ol i bin

tok trening em bikipela samting we olgeta tisa i mas sindaun long em long provinsel, distrik na skul level.

Sampela tisa we *Wantok* i bin kisim tingting bilong ol i bin tok-tok strong olsem ol elementeri skul tisa i mas kisim tisa trening na ol bai skulim gut ol pikinini taim ol i statim skul bikos lainim bilong ol pikinini long taim ol i stat long skul i bikipela samting.

Long sait bilong ol elementeri skul pikinini i lainim skul long tokples na i kamapim hevi na wari bikos i luk olsem ol i no klia gut long ol samting taim ol i go long praimer level, Edukesen Minista James Marape i tok ol sumatin i mas lainim Inglis long elementeri skul level.

"Inglis i mas stap long elel-menteri skul. Taim mi stap olsem Edukesen Minista, mi bai sapotim strong long lukim olsem ol i lainim Inglis long ol elementeri skul pikinini. Lainim long tok ples em long kisim kli-apela save long ol samting, tasol ol i mas lainim tok Inglis long ol wok na lainim biolng ol sumatin," Mista Marape i tok.

Long wankain taim, narapela risets ripot bilong Dokta Paraide i soim olsem skul fi em i wanpela bikipela samting we ol sumaitn i save pinis long skul long praimer na sekonderi level. Ol narapela as em long sik, hangere, nogat inap metiriel long tisa na sumatin long yusim long skul na wok bilong ol, hevi long famili, peer presa, drag na alkohol, ol sampela sumatin i paitim ol narapela, ol sumatin meri i gat bel, ol kain pasin bilong kamapim bagarap long ol pikinini, helpim long ol wok long haus na gaden na ol wok kalsa.

Risets i bin painim olsem bikipela tingting ol sumatin long go skul em , ol i laikim moa save, lainim long rit na rait na kamapim gut laip na sindaun long bihain taim. Tasol sot long ol samting long helpim ol inap ol dispela olsem skul laibreri i kamapim hevi long ol dispela tingting na laik bilong ol.

Kot bilong Kapris bai go het yet

KOT bilong man husat gavman i tok bin go pas long stilim klostu K2milien long Beng Saut Pasifik long Madang taun, William Kapris, na 13 arapela manmeri husat gavman i tok bin helpim em long wokim dispela stil pasin bai go het yet ken long neks wik.

Kot bilong em i bin stat long las mun na i bin ron olsem klostu tripela wik bipo long Nesenel kot Jas Jastis David Cannings i bin wokim wanpela oda long kot long malolo.

Justis Cannings i tok dispela malolo em long larim Senia Loya bilong Gaman Pondros Kaluwin long redim ol arapela witness long kam givim stori bilong ol long kot na tu long larim em i go mekim ol arapela wok bilong em long Suprim Kot long Waigani.

Bipo long kot i bin kisim dispela malolo Jastis Cannings i bin askim Loya bilong gavman long tok aut long kot long hamas arapela witness em i gat we em i tingting long singautim long kot na Mista Kaluwin i bin tok aut olsem em bin



Kapris toktok wantaim Jastis David Cummings long Madang.

gat 43-pela moa long 150 witness we em i gat.

Kot bin harim olsem mak olsem 20 manmeri i kamap pinis long ai bilong Nesenel Kot long Madang long dispela hevi bilong Kapris na ol arapela wanstil bilong em.

Jas i bin mekim wanpela oda tu bipo long Kot i bin kisim malolo long Mista Kaluwin long redim ol nem bilong ol dispela witness bilong gavman na givim ol arapel loya husat i makim mak olsem 13 arapela man meri husat gavman i tok tu bin helpim long mekim kamap dispela stil pasin.

Long wankain taim tu

Jastis Cannings bihain long wanpela ron bilong em i go long Beon Kalabus i bin mekim oda tu long Komanda bilong Beon Kalabus long stretim sindaun bilong fopela bilong ol dispela kalabus lain nem bilong ol Kapris Kito Aso, Elvis Bala Aka na Issabelle Kivare bihainim applikesen loya bilong ol i bin mekim long long long enfosim or strongim ol human raits bilong ol we ol tok ol CS ofisa i brukim.

Kot i mekim oda bai Kapris na Aso bai stap yet long rumgat ol yet tasol ol i ken kam arasait long eksasais long tupela taim long

wanpela dei long mak olsem 30 minit, Ol i ken lukim ol pren or famili bilong ol long wanpela taim long wanpela wik long make tu olsem 30 minit, mas i gat mak olsem fo lita wara long drink na wasim han na pes long olgeta dei, mas gat kisim nupela blanket, towel na moskito net.

Kot i no larim ol i go stap long bikipela kompaun bilong kalabus bilong wanem kot harim ol i gat rekot nogut pinis long ronawe.

Tasol kot i bin larim narapela wan kalabus bilong tupelo Aka i go long bikipela kompaun bilong wanem rekot bilong em i no wankain olsem Aso na Kapris.

Kivare husat i bilong Galf provins kot i harim i stap nau yet long Beon wantaim Pikinini meri bilong em husat i gat 2-pela krismas.

Jas Cannings i tok ples tupela i stap i klin tasol em mekim oda olsem olsem komanda bilong Beon i mas givim tupela nupela blanket, tawel, na bikipela sais moskito net.

Kot i bin mekim oda olsem olgeta lain husat i stap long dispel kot mas stap yet long Beon kalabus

Lida hatim menesmen

Sape Metta i raitim

OL PIPEL na ol lida i mekim bikipela tok kros long menesmen bilong Benk Saut Pasifik long ol i no bin toksave na pasim haus mani.

Aktng gavana na memba bilong Obura Womenara John Boito i tok nogat gupela toksave na benk i pas i no gupela tumas.

Mista Boito i tok benk em i laip bilong ol pipel insait long tupela distrik na ol lida bai traim long mekim sampela samting long lukautim benk sapos toksave i kam olsem ol bai pasim benk.

Em i tok ol pipel i kisim bikipela taim pinis long wanem pos opis tu i pas na ol pipel i no inap long kisim dispela kain hevi long asua kamap long ol Madang na Kerema brens.

Mr Boito i tokaut olsem Menesing Dairekta bilong BSP i givim tok orait long pasim benk long wane mol polis i no kisim ol raskol husat i mekim stil pasin long Tunde na tu benk i kisim tok win olsem ol raskol bai brukim benk.

Aktng gavana i tok Menesing Dairekta bilong BSP tu i tok dispela tok win brukim benk i kam long maus bilong wanpela polis-man long Kainantu.

Tasol Mista Boito i tok em yet i lukim ol polis i kisim tupela man long polis stesen long Tunde wik i go pinis na em tu bai mekim

wok painim aut long luk-save husat tru i mekim dispela toktok na em i kism dispela tokwin long wanem hap.

Yuniti mas stap long gupela sindaun: Dadae

Michael Novingu i raitim

YUNITI o wokbung wantaim i as bilong kirapim gupela sindaun long famili na komyuniti long Papua Niugini.

Sapos nogat yuniti o bung wantaim bai bagarapim sindaun bilong ol manmeri long komyuniti.

Minista bilong difens na memba bilong Kambum, Bob Dadae, i tok ol asples long Bulolo na Sepik long noken yusim ol gan, sipia na ol arapela samting long pait, painim gupela rot long stretim hevi long stretpela pasin.

Dadae i singaut long ol manmeri long Bulolo noken kisim lo long han bilong ol, larim polis i mekim wok bilong ol.

Em i tok, planti bilong ol Sepik i kamap long Bulolo na ol i respektim ol manmeri long Bulolo, tasol asua i stap long ol yangpela man i kisim strongpela dring na spak brus i kirapim dispela hevi.

"Toktok na stretim hevi e mi gupela pasin, pait na yusim ol samting bilong pait em i no stret long stretim hevi," Dadae i tok.

"Mipela ol manmeri bilong Morobe i mas amamas long wanem mipela lain bilong kisim gutnius i

Stua paia, ol man i stil

Michael Novingu i raitim

PAIA i kukim daun Lotus Enterprise stoa long Eriku Lae, Morobe Provins, wantaim ol samting i stap insait long stoa long 5:30 moning long Mande dispela wik.

Dispela i givim sans long samting olsem 500 man i stap long ol setelmen long Bundi kem, baunri rot, Buimo, mails, Kamkumung na arapela hap long Lae siti long kam i go insait long stoa na kisim ol samting.

Maski ol polis na sekuriti gad i putim was long stopim ol stilman tasol ol i winim ol na i go insait na kisim ol samting insait long stoa.

Wantok Niuspepa i stap long hap i lukim ol stilman i kisim ol katen tinpis, mit, rais, radio, klos, katen bia na ol arapela samting insait long stoa.

Ol sekuriti gad na polis i lukluk i stap, ol i no traim long stopim ol. Long wankain taim ol stilman i brukim Raumai 18, PC Woo. Ol stilman i repim tu wanpela wokmeri i stap insait long stoa.

Polis i sut long tiages long stopim ol stilman long noken brukim ol arapela stoa olosrem Papindo, Pelgens na Andersons.

Ol wokman i stopim paia i kam wanpela aua bihain long paia i kam kukim daun ol samting pinis insait long stoa.

Papindo, Pelgens na Andersons supermarket ol stilman i no brukim i go insait long kisim ol samting bikos ol sekuriti bilong gad dog, Pacifik korprete sekuriti i putim was long en.

BSP givim servis yet

Michael Novingu i raitim

MASKI, ol wokmanmeri bilong Benk ov South Pacific (BSP) i stop wok long las wik Fraide i kam Mande dispela wik, Benk i wok long givim servis yet long ol kastoma bilong en.

Ol lain i stop wok em, ol woklain i membas bilong Benkas Wokas Union i no amamas long wanem nogat gupela wok kondisen benk i givim long ol.

Wantok Niuspepa i raun long wiken long ol hap ATM

masin i stap long en, ol i lukim planti ol manmeri i sanap long lain long kisim moni bilong ol long ATM, tasol ol ATM masin i nogat mani stap insait long en.

Wanpela wokman long BSP long Lae i no laik autim nem bilong em long *Wantok Niuspepa* i tok ol lain i memba bilong Benkas Union i stop wok long soim bel kros bilong ol bikos Benk i no stretim wok kondisen bilong ol olsem, apim pe bilong ol, givim hauslip long ol na ol arapela samting long ol.

OXFORD, TOK PISIN INGLIS DIKSENERI

Katim, na pulimapim oda foni daumbila na salim i kam long Wantok Niuspepa sapos yu laik ba'im nupela Oxford Papua Niugini Dikseneri (Dictionary) we Wantok na Oxford i wok bung wanlain long kamapim. Dispela buk i ken helpim yu ba'im Tok Pisin i go long Inglis, o Inglis i go long Tok Pisin. Harim na kisim wanpela bilong ol dispela gupela buk we inap strongim Tok Pisin bilong yu.

ORDER FORM

NAME	DATE	PRICE	QTY	TOTAL
PRC Tok Pisin English Dictionary	9780195551128	K\$2.00		

Complete your purchase details here:
Name: _____
Address: _____
Postcode: _____
Phone: _____
E-mail: _____

Payment to: _____
Bank: _____
Branch: _____
Account: _____

FAX BACK TO: (675) 325 2579

Name: _____
Address: _____
Postcode: _____
Phone: _____
E-mail: _____

Wewak MP Manwau tokaut long paul pasin long 2007 ileksin

James Kila i raitim

MAN em Suprim Kot i tokaut olsem wina bilong Wewak Open sia, Dokta Moses Manwau long las wik Fonde i lukim Nesenel Palamen i luksave olsem Membra stret taim em i holim buk Baibel na tok promis long mekim wok.


Dokta Manwau i mekim tok promis fran long Deputy Spika bilong Palamen, Francis Marus na Klak bilong Nesenel Palamen, Don Pandan we ol arapela nesenel lida na tu ol sapota bilong em i stap na lukim.

Bihain long em i mekim tok promis bilong em, Dokta Manwau i givim sampela toktok we em i tok pasin we Kot i makim em i kamap wina long ileksin i soim olsem planti krangki pasin i bin kamap long taim bilong vot na ronim ileksen long Wewak.

Ol narapela lain husat i stap long dispela seremoni em Gavana bilong Enga provins, Peter Ipatas, Minista bilong Lens, John Pundari, foma Sandaun gavana, John Tekwie na ol arapela sapota bilong em.

Dokta Manwau i tokaut olsem Ilektrik Komisina mas sasim Ritening Ofisa long kamapim paul pasin long ronim ileksin long Wewak Open. Dispela seim ritening ofisa em bihain i kisim posisen olsem distrik edministreta

"Mi amamas olsem mi ken go long bikpel Kot long dispela kantri long painimaut stret olsem i gat paul pasin i stap long sait bilong



Man i winim Wewak Open sia, Dokta Moses Manwau i holim buk Baibel long givim promis long sevim pipel. Poto: James Kila

ronim ileksin," Dokta Manwau i tok.

Em i tok amamas i go long losa bilong em Moses Murray long givim moa taim na putim gutpela tingting bilong em long pait strong long winim dispela kot.

"Mi laik tokim ol pipel bilong Wewak distrik olsem, mi pren bilong olgeta man, meri na pikinini husat i laikim bel-isi i stap oltaim na tu bihainim gutpela pasin na wok insait long gutpela lidasip," Dokta Manwau i tok.

Em i tok olsem em i redi long go pas long distrik long bringim ol gutpela saveman long bringim gutpela wok developmen i go long kamapim gutpela sindaun bilong ol pipel.

Em i tok olsem ol papamama em bikpela risoses em famili na bikpela invesmen em ol pikinini bilong yumi. Edukesen bilong ol pikinini mas kamap olsem bisnis bilong yumi. Yumi mas bihainim gutpela pasin na lo we olgeta man i mas stap gut wantaim, stap fri na i ken gat sans long gohet long gro gut na strong na painim gutpela amamas.

Dokta Manwau i tok olsem em i joinim Pipol's Pati bilong Gavana Peter Ipatas bikos dispela pati i gat gutpela rekot. Em i tok Mista Ipatas na Enga provins i soim gutpela mak long sait bilong developmen we ol narapela provins i mas bihainim, olsem na em i joinim dispela pati.

Fama kamapim karot sid

Josephine Yaga i raitim

"OLGETA diwai i save kamap long sid na dispela lo bilong Bikpela em planti manmeri i no save givim taim long luksave," Joshua Ari, pasta long Kristen Laip Sios long Kelua, Westen Hailans Provins i tok.

Pasto Ari na famili bilong em i lain bilong mekim gaden na ol i no painim hat taim karot i kamap gut taim ol i mekim liklik gaden arere long haus kuk bilong ol.

Long 2007 ol i lukim wanpela karot namel long ol arapela karot we i stap long em na dispela karot i gat sut long em.

Ol i save olsem dispela ol karot i bin gat ol sid tasol ol i no tingting long planim ol na i tro-moi nating i stap we ol i wok long drai.

Tasol namel long dispela ol karot wanpela i gat sut na dispela i givim tingting long Pasto Ari na famili bilong em long mekim gaden arere long haus kuk na planim dispela sid.

Long dispela taim bel bilong ol i pulap long amamas long wanem dispela karot i karim

planti moa ol karot na sid.

"Mipela i no save planim karot nating. Mipela i save baim sid long stua na bihain planim.

"Sid saplaia i no save skulim ol fama olsem ol inap long kamapim karot sid bilong ol yet na dispela i kain pasin i bin stap planti yia.

"Mi larim dispela ol sid i gro na nau ol i kamap planti," Pasto Ari i tok.

Long taim ol sid i wok long gro stat long 2007, mipela i mekim gaden bilong mipela i go bikpela.

Nau famili i gat tingting long mekim na salim sid i go long ol arapela lain.

"Plantil ol fama i wok long painim sid na i gat laik long baim sid.

"Dispela i sans bilong mipela long salim ol sid na mekim mani," em i tok.

Prais bilong baim peket sid long stua i stap olsem K10 na K20 tasol ol sid Ari i kisim i ken kamapim bikpela gaden.

Em i tok nau olsem PNG Likwifaid Neturel Ges i kamap em i sans bilong em i long mekim bikpela gaden na salim karot i go long kampani.

Nesenel Plening noken holim-pas mani bilong rurel haus-kalabus - Aimo

James Kila i raitim

MINISTA bilong Koreksinol Sevises, Tony Aimo i tok olsem Dipatmen bilong Nesenel Plening i mas noken holim-pas tumas mani em Gavman tokaut na redim pinis long baset long wokim kamap ol rurel haus-kalabus o lokap insait long kantri.

Minista Aimo i tok olsem ol lain wokman meri bilong gavman (burekrats) long Waigani mas rilisim o putim dispela mani i go long impres akaun bilong CS (Koreksenal Sevises) long lukim ol wok i kamap long ol rurel haus kalabus.

Mista Aimo i mekim dispela tok-tok long Tunde bihain long em i kisim wanpela sek mani i kam long brata Minista bilong Intenol Sekuriti, Sani Ramb i long helpim CS long mekim fisibiliti stadi long wokim wanpela rurel haus-kalabus o rurel lokap long Mul Baiyer distrik



Trupela brata minista em Minista bilong Intenal Sekuriti Sani Ramb i (namel) i givim K50,000 sek i go long CS Minista Tony Aimo na CS Deputy Komisina, Dominic Tomar long mekim wok long kamapim fisibiliti stadi long kamapim wanpela rurel haus-kalabus long Mul-Baiyer distrik. Poto: James Kila

long Westen Hailans provins.

Intenol Sekuriti Minista, Mista Ramb i tok tenkyu i go long CS long makim distrik bilong em long putim kamap wanpela rurel lokap

o haus-kalabus.

Mista Ramb i tok olsem long kolonial taim, rural haus kalabus i bin wok gut tru bikos ol lain husat i mekim ol rong we i no bikpela

tumas i save stap long dispela hap na mekim komyuniti wok long.

Em i tok nau yet ol bikpela haus kalabus i pulap tru bikos planti ol lain em rong bilong ol i no bikpela tumas i go long go na stap na pulapim spes, na dispela tu i mekim gavman i lusim bikpela mani tru long lukautim ol kalabus lain.

Em i tok olsem moabeta dispela polisi bilong Nesenel Gavman long kamapim rurel-lokap o haus-kalabus i mas karim kaikai bilong en bikos em bai helpim long stretim ol rong o asua long distrik level na i no inap mekim gavman i lusim bikpela mani.

Nesenel Gavman long baset o mani-plen long 2008 i bin putim K35 milien long wokim ol nupela rural lokap o haus-kalabus insait long ol distrik long kantri.

Na CS i makim pinis 17-pela hap long kantri we dispela projek bai kamap long en. Tasol ripot i kam

long CS i tokaut olsem insait long dispela mani em Nesenel Gavman i putim K10 milien tasol i redi, tasol narapela i no go long CS yet long kamapim wok.

Minista Aimo i tok amamas long Minista Ramb i long putim K50,000 olsem mani-helpim (kauntapat fanding) i go long kamapim nupela distrik rurel haus-kalabus long Mul-Baiyer.

Mista Aimo i tok tu olsem dispela K50,000 bai helpim ol lain long CS long mekim fisibiliti stadi o wok painimaut gut sapos em i orait long kamapim wanpela rurel-lokap long Mul-Baiyer. Dispela i min olsem ol wokman bilong CS bai go long dispela ples na toktok wantaim komyuniti na painimaut gut sapos viles kot sistem i wok gut long hap na tu polis i stap long hap na moa long en komyuniti i laikim na amamas olsem rurel-lokap i mas kamap long hap.

Papua Niugini i gat sosol polisi o nogat?



OLTAIM yumi save harim ol pipel i tok olsem namba wan bikipela risos bilong wanpela kantri, em ol manmeri bilong en. Long PNG, dispela em i wankain.

Olsem na taim John Momis i bin Minista bilong Disentralaisesen, namba wan bikipela het tok em 'integral humen developmen'.

Tude, sapos yu askim wanpela memba long astingting tru bilong dispela hap tok, em bai tokim yu olsem em i no save. Sapos nogat, em bait ok em i wankain olsem het tok bilong tude, em 'komyuniti empawamen'.

Em wanem samting tru, wanpela bikipela bilip long dispela tok em i sut long 'kapesiti bilding' o strongim save, bai ol pipel long kantri i ken sanap gut insait long sosol, politikal na ekonomik laip bilong kantri, wankain olsem ol arapela sitisen na wantaim fridom long kisim ol kain kain sans long laip.

Mipela long PNG i abrusim klostu 40 kris-mas we mipela i stap in-dipenden, tasol mipela i nogat sosol polisi bilong kantri we i ken tok klia gut long luksave bilong gavman long karim ol pipel i go het long olgeta level. Em i no inap long tok olsem gavman i sanapim ol skul, haus sik, silipim ol rot na bris, na i wok long strongim lo na oda long kantri.

Yes, mipela i wanbel olsem dispela em ol besik sevises we kantri i mas i gat na givim long ol pipel bilong en.

Tasol mipela i laikim wanpela bikipela polisi we i abrusim ol dispela sevis long karamapim

trening, wok, ol minimum tems na kondisen bilong wok, takis, stretim bilong ol wok hevi, onasip na developmen bilong ol netseral risos, na wok gavman bai dispela sosol polisi i kamap gut na stap ples klia long wok i bihainim. Em i min olsem sosol polisi i mas strongpela, na i mas strong tu long rot bilong givim sevis long olgeta level.

Olsem wanpela piksa, yumi ken lukluk long LNG projek. Mipela i ting gavman na ol papagraun wantaim i no inap long tok wanbel bikos i nogat wanpela rot mep i stap bai ol i ken lukim na bihainim. Nau yet, gavman i bihainim wanpela rot, na ol papagraun i traim long bungim gavman, tasol ol i wok bihainim narapela rot olgeta. Em i asua bilong husat tru?

Gavman i mas kisim sut toktok long dispela sindaun nau.

Taim wanpela i lukluk long kantri, bai yumi ken lukim olsem ol pipel i no moa stap klostu long gavman, we gavman i stap long stiaim wok-about na sindaun bilong ol. Wanpela lain tasol i stap long stretim ol hevi bilong ol long ples, em ol Kristen Sios na ol sevis ol i givim olsem ol skul, klinik na trenspot long karim ol sikmanmeri i go long helt senta. Dispela i save mekim yu laik singaut na askim: Nesenel Gavman i Stap We?

Olsem wanem long kiap, didiman na majistret i save raun mekim wok long ples, na stretim ol hevi bilong ol? Dispela gavman i gat wanem kain ol ekstensen sevis long halivim pipel? Dispela gavman tude, na ol ara-

pela gavman bipo i save long olgeta hevi ol pipel i save bungim na karim wantaim ol olgeta de, o nogat?

Tru tumas, em i mas wanpela bikipela wok tru long mekim plen bilong lukautim sindaun bilong 6 miliar pipel, laka? Taim palamen i sindaun gen, spika i mas bungim ol memba na kisim ol i go long lukim sampela hap long Mosbi. Mipela ting ol i mas go long ol dispela wan wan ples na lukim long ai bilong ol yet wanem samting i kamap long Pot Mosbi.

Namba wan hap ol i mas go long en bihain long ol i lusim ekondisen opis long Palamen em long Baruni dam o ples pipia. Long dispela ples, ol Papua Niugini manmeri i wok long sanap long wanem kain samting ol i painim long ol pipia bilong ol arapela lain. Namba tu hap ol i mas go long en, em 6 mail Damp inap ol memba i luksave long wanem samting i save kamap long kapitel siti bilong ol.

Nau yet, ol memba bilong palamen bilong yumi i nogat wanpela luksave long wanem samting i kamap long ol taun, distrik o ples bilong ol. Tasol ol i no wari. Olgeta mun Novemba, ol i save go sindaun na tok oraitim nesenel baset we i save skelim planti billion kina bilong gavman long yusim long laik bilong em. Na bihain long ol i yusim olgeta mani bilong dispela yia, i nogat wanpela samting long soim mani i go we. Olsem na mipela i askim: "Olgeta dispela mani i go we tru, na ol i yusim olsem wanem?"

Olsem dispela K10 miliar we wan wan Open memba i save

kisim bilong distrik bilong em. Yu ken sekim wanpela distrik na askim, dispela K10 miliar i go we taim memba i stap las palamen i kam long dispela palamen? I nogat projek long distrik long inapim dispela K50 miliar ol i kisim namel long 2002 na 2007. Dispela stori em ol i save stori long olgeta distrik long olgeta provins long Papua Niugini.

Sapos ol pipel bilong yumi long gavman i tanim bel na lukluk long sindaun bilong ol liklik manmeri long dispela kantri na traim long skelim 10 pesen bilong mani i go long ol distrik projek, ating bai yumi lukim gut sindaun bilong ol pipel bai orait.

Nau yet, planti mani tumas i wok long go long potnait pe na alawens bilong ol bikipela mangi, na hap i save lus long ol 'administretiv kos' na kos bilong korapsen long gavman.

Yumi em i wanpela long ol kantri long wol we i gat planti wok gavman tumas.

Lukluk long besik straksa bilong gavman: yumi stat wantaim ol Lokol Level Gavman, bihain yumi gat Distrik Administresen we Distrik Administreta i bosim; na bihain em Provinsel Gavman wantaim narapela gavman straksa, na bihain nesenle gavman na ol stetutori ejensi. Ating Is Nu Briten wanpela tasol i mekim provinsel gavman bilong ol i kamap na ron gut. Olgeta arapela provins i no save long stiaim gut provinsel gavman bilong ol. Ol i save lukim ol olsem ples bilong kisim mani taim ol i nidim mani long mekim wok bilong ol yet.

Na lukluk long sam-pela ol samting ol memba i baim bilong distrik bilong ol. Wanpela 40-50 fut bot long Alotau bilong Abau distrik, manimak bilong en K900,000 na narapela ol i baim bilong Wewak, inap long K600,000. Na yu gat Boda Atoriti husat i wok baim ol bot we manimak bilong ol i K600,000, tasol ol i wok peim moa long K1 miliar long baim ol. Ol dispela manimak i abrusim tru mak bilong skelim 'komisin' bilong memba. Watpo bai em i tromoi dispela kain mani olsem?

Yumi mas sekim gut ol provinsel gavman na tok sapos yumi bai holim ol i stap, o rausim ol. Mipela i ting i mobeta yumi rausim ol na yusim mani bilong ol long strongim ol lokol level gavman husat i ken lukautim gut ol distrik senta bilong ol. I kam inap tude, ol provinsel gavman i no mekim wanpela gutpela wok. Ol i save kaikai nating long hanpaus bilong kantri. Yumi mas gat ol kaunsil tasol, na strongim wok lukaut long mani na menesmen save bilong ol bai ol i ken lukautim gut ol skul, haus sik na kirapim ol infrastraksa program bilong ol.

Tasol moa yet, mipela i nidim wanpela sosol impek stadi bilong kantri bihainim ol gutpela ekonomik sindaun we bai kamap bihainim LNG projek long dispela kantri.

Mipela ting i mobeta Dipatmen bilong Sosol Welfe i bungim dispela salens na makim ol savemanmeri long mekim dispela wok glasim bilong gutpela bilong kantri.

Dispela gavman i gat wanem kain ol ekstensen sevis long halivim pipel?
Dispela gavman tude, na ol arapela gavman bipo i save long olgeta hevi ol pipel i save bungim na karim wantaim ol olgeta de, o nogat?



What is our social policy, if we have one?

What does this government have by way of extension services to reach out to its people?

What does this government and any successive governments for that matter know about the daily problems faced by the people days in and days out?

Read on....

TIME and time again, we hear people say that the biggest resource within a given country is that country's 'human' resource, meaning the citizens of that particular country and we can apply that to PNG as well. Thus, when John Momis was the Minister for Decentralisation, the catchphrase of the day was 'integral human development'.

Today, you ask a typical politician what that means, and he will tell you that he has never heard of it. Or if not, he will equate it with the present day logo, which is, 'community empowerment'.

Whatever it is, the basic assumption in each such phrase is to do with 'capacity building' so that the population of a country can partake in the social, political and the economic life of a country as an equal with all other citizens and with the freedom to choose between available opportunities.

What is surprising about this country is that almost 40 years now after independence, we have yet to come up with a Social Policy for the country that can state in clear terms, the government's vision for the advancement of its people at all levels. It is not enough to simply say that the government has established schools, hospitals, built roads and bridges and is effectively maintaining law and order in the country.

Yes, we agree that these are basic services which a country must provide in any event.

What we require is a comprehensive policy that goes beyond these services to encompass

training, employment, the minimum terms and conditions of employment, taxation, resolution of employment disputes, ownership and development of natural resources, and the whole spectrum of the institution of state and the machinery of government so that the social policy is reflected both in theory and in action. That means that the social policy must be both substantive and structural to enable delivery at all levels.

As an example, look at the LNG Project. It is our view that both the government and the landowners are unable to arrive at a common meeting point simply because there is no road map to assist them to reach any designated point. What is happening now is that the government is going one way and the landowners are trying to reach the government but are heading in the opposite direction. Whose fault is this? The government must accept blame for this unhealthy situation.

When one surveys the entire country, one will note that the people no longer can feel the presence of the government with any form of authority and direction in their daily lives.

The only institution at hand to address their immediate problems at the village level are the various Christian Churches and their service institutions like schools, clinics and transportation to ferry their sick to the nearest health centre. Thus, you would like to scream out: Where is the national government? What has happened to the kiap, the didiman, and the travelling magis-

trate to address the people's immediate problems? What does this government have by way of extension services to reach out to its people? What does this government and any successive governments for that matter know about the daily problems faced by the people days in and days out?

Is it such a mammoth task to plan for 6 million people? When parliament next meets, the Speaker should organize and excursion to allow our members to drive around Port Moresby to visit certain areas in the city. We suggest that they stop at these locations to see for themselves what goes on in Port Moresby. The first stop from the Parliament House should be the Baruni Garbage Dump. There at the dump are Papua New Guineans surviving on whatever they can collect from the garbage trucks that take and deposit the refuse at the dump site. The next stop should be the 6-Mile Dump until the members have had a good grasp of what is happening in and around their capital city.

Right now, our members of parliament do not have a clue as to what goes on in their towns, district centres and their villages. And yet, each November, they will meet and pass the National Budget, allocating billions of kina for the government to spend. And after all that money is spent for that year, there is nothing to show for that amount of money. Thus, we ask: Where was all that money spent and how is it being spent?

For instance, take the K10 million that each

Open Member takes for his District. You can take a typical district and ask yourself what has happened to the K10 million collected by a given member over the life of the last parliament and then this parliament? There are no projects in the district to account for the K50 million spent for the period commencing 2002 and ending 2007. And this story is an old story that is told in all the districts in all the provinces in Papua New Guinea.

If only our people in government could change their hearts and take a look at the plight of the ordinary people in this country and make an attempt to spend at least 10% of the amount allocated for district projects, then we might be getting nearer to doing the right thing by the people. Right now, too much money is spent on salaries and perks for the big boys and the balance is eaten up by 'administrative costs' including the costs of corruption in the government.

This is one of the most over-governed countries in the world.

Look at the basic structure of government: We start with the Local Level Governments, then we get the District Administration run by the District Administrator; then comes the Provincial Government with another structure of government, and then the National government and all the statutory institutions. And except for East New Britain, which has made their provincial government into a success story, the rest of the provinces do not know what to make of their provincial governments other than to treat them

as sources for ready cash when they require money for their errands.

And look at some of the items purchased by members of parliament for their districts. A 40-50 foot long boat bought in Alotau for Abau district for K900,000 and another one bought for Wewak at a cost of K600,000. And then you have the Border Authority buying boats worth K600,000 for amounts in excess of K1,000,000. These are inflated costs to cater for some 'commission' payments for the member putting out the money, because why else would you spend that kind of money?

What we ought to do is to take a second look at the provincial governments and decide if it is worth keep them. We suggest the abolition of provincial governments and use the funds to build up our local level governments who can run their own district centres. To date, the provincial governments have not served any useful purpose. They are a drain in the national coffers. We should maintain only the councils and help build up their financial and management capacities and allow them to run their schools, hospitals and maintain their own infrastructure programs.

However, most of all, we require a social impact study nationwide based on the economic prospects of the LNG project in this country.

We suggest that the Department of Social Welfare pick up the challenge and appoint the experts to conduct such a study for the nation.

Sen John's bai stap

Veronica Hatutasi i raitim

OL SEVIS bilong Oda bilong Sen John ogenaísesen we i save helpim gut tru ol manmeri insait long Mosbi siti long taim bilong bikpela sik na birua, bai go het yet bihain em i kisim K500,000 i kam long Helt Dipatmen long dispela wik.

Tasol ol bai opim haf long ol sevis bilong helpim ol sik manmeri insait long siti.

Tupela wik i go pinis, ogenaísesen i bin klsotu pasim ol sevis bilong em long em long siti bikos Helt Dipatmen i no givim K1.5 milien long namba tri kwata bilong karimaut ol wok bilong em. Ol sevis we Oa bilong Sen John i save givim long Mosbi siti na kantri em long Ambalens Sevis, Blut Beng, Sen John's Skul bilong ol Aipas lain na stat long yia 2007, Helt sevis.

Sif Operesens na Koporet Sevis opisa, Tim Wieland long dispela wik i tok helt Dipatmen i bin givim K500,000 las wik bihainim ol toktok namel long Sen John's, Helt na Treseri Dipatmen.

Mista Wieland i tok dispela manimak bilong K500,000 em i no ful manimak na em bai helpim ogenaísesen i karimaut wok namel long 5 na 6-pela wik tasol.

Em i tok ogenaísesen i laikim K2.6 milion long stretim olgeta hevi bilong sampela yia i go pinis i kam inap nau.

"Mipela i laik katim i kam daun sampela ol sevis mipela i givim bikos mipela i nogat inap mani long karimaut olgeta wok long ranim ful operesen. Gerehu Haus sik i op nau long 8 kilok moning na pas long 2 kilok apinun. Mipela i no kisim ol sikman long slip moa long haus sik. Long ol sik manmeri i gat bikpela sik, mipela i kisim ol long Ambalens i go long Pot Mosbi Jenerel Haus sik we i gat hap bilong ol long stap na slip long en. Nau yet, tupela ambalens tasol i mekim ron. Namba tri ambalens em mipela i bin yusim long helpim long taim bilong kolera, tasol nau, sik i go daun na mipela i stopim pastaim.

"Mipela i traim long operet aninit long manimak ol i givim mipela long en,"Mista Wieland i

tok.

Oda bilong Sen John's i stap wok long PNG long 43 krismas nau i save kisim mani long gavman long karimaut ol wok long tripela taim insait long wanpela yia.

Oda bilong Sen John em dispela Non Gavman Ogenaísesen (NGO) we i save givim ol helpim long sevim ol manmeri i kisim bikpela birua na lusim bikpela blut, ol mama i karim pikinini na i hat long go long haus sik, ol manmeri na pikinini we sik i kisim ol nogut tru na klostu ol i bungim dai na ol kain sik olsem.

Ogenaísesen i gat samting olsem 400 woklain. Ambalens Sevis i gat 70 woklain long komyunikesen seksen, woksop, ol ambalens opisa, kru na draiva husat i save wok long 24 awa.

Mista Wieland i tok piul i save kaikaim bikpela mani, Dispela em piul ol i save yusim long olgeta wok ka na ino ol ambalens tasol. Insait long wanpela mun, ogenaísesen i save yusim samting olsem K30,000 long karimaut ol wok bilong em.

Pastaim fil opisa i lukim wok risets karim kaikai

Paulus Tali i raitim

WOK risets long ol kainkain sik i no isipela wok, nogat, yumi mas givim taim stret long wok.

Mezza Ginny em wanpela fil opisa bilong Daru long Westen Provins i tok.

Em i tok taim em i stat wok olsem risets opisa long ol yia long1980s i kam inap long yia 2000, em i mekim planti wok long kisim ol blut bilong ol pipel long nambis olsem long Madang. Na em i lukim olsem planti em long sik malaria.

Em i tok tu olsem bipo em i hat tru taim ol i wok na i nogat lait long helpim ol i karimaut wok

bilong ol long nait.

Taim ol i kam bek long wok risets, ol i save sindaun na laitim lam long helpim wok bilong testim blut. Skelim wok nau, ol samting i kamap isi tru bikos long planti samting olsem kompyuta na ol leboretori we bipo em bin kisim taim stret long wok.

Mista Ginny i tok em i 20 krismas nau taim em i lusim wok na stap malolo long ples. Na em i lukim planti wok kaikai bilong PNGIMR i wok long kamap.

Em i tok planti pipel long Madang i laikim program bilong banis sut i mas stap long provins. Ol i no amamas bikos

Madang i bin statim program pastaim, tasol nau, ol i putim banis sut senta long Wasera long Maprik long Is Sepik provins.

Long wankain taim, Mista Mezza i tok sik numonia i go bikpela long Hailans taim long nambis eria i gat long em Madang em sik malaria i bikpela Henry Siwi em i wanpela man Asaro long Isten Hailens Provins em i longpela taim wokman olsem helt ekstensen opisa (HEO) pastaim long Mosbi na Goroka tasol em i ritaia long 2004.

34,100 pipel long PNG i stap wantaim AIDS



UNAIDS BOSMAN RAUN LONG PNG: Michel Sidibe i givim luksave setifiket long Siaman bilong NACS, Se Peter Barter long gutpela wok PNG i mekim long daunim sik AIDS. Poto: Veronica Hatutasi

Veronica Hatutasi i raitim

MAK bilong ol pipel i gat sik AIDS long PNG inap long pinis bilong las yia, 2009, em 34,100.

Long dispela, 31,000 em ol bikpela manmeri na 3,100 em ol liklik pikinini. Sik AIDS i bikpela long ol pipel i gat krismas namel long 15 na 49 yia.

Na sik i go antap long 0.9 pesen long 2009.

Mak bilong ol nupela manmeri i kisim sik AIDS i bin kisim sik long 2009 em 3,200. Na 1,300 pipel i bin dai long sik AIDS.

Olgeta ol dispela namba i stap long nupela ripot, "PNG HIV Prevalence: 2009 Estimates" we UNAIDS i kamapim long en. Na em bin tokaut long em taim bosman bilong ogenaísesen long Yunaitet Nesens long hetkota long Nu Yok, Amerika em Michel Sidibe i bin wokim wanpela wik lukluk raun bilong em long PNG las wik.

Ripot i tok i gat nau gutpela rot long kisim ol ripot na ol namba bikos moa pipel i wok long go long ol klinik bilong sekim na testim ol yet long sik AIDS. Na moa testing klinik i kamap nau. Ol klinik bilong ol bel mama i sekim moa mama

long sik AIDS. Na Helt Dipatmen wantaim Nesenel AIDS Kaunsel Sekreteriet i wok bung wantaim long wokim, stretim na kamapim dispela ripot.

Ripot i tok sik i go antap moa long Hailans rijen na moa yet, long Sauten Hailans. Long Hailans rijen, mak long sik i kamap em 1.2 pesen na long Sauten Hailans em 1.17 pesen. Mak i go daun long Momease rijen em 0.63 pesen na Niugini Ailans rijen em 0.61 pe sen.

UNAIDS bosman Mista Sidibe i bin amamas long wokabaut bilong em long PNG na lukim olsem sampela gutpela wok i kamap long traim daubun sik AIDS long PNG.

"PNG i bihainim raitpela rot na long 5-pela yia i kam, 75 pe sen bilong ol manmeri i gat sik AIDS bai stap long ART marasin," Mista Sidibe i bin tok.

Long wankain taim, ol manmeri i gat sik AIDS i wok long bungim hevi long ol narapela pipel i lukluk nogut long ol, wanpela bung em Mista Sidibe na ol niuslain i bin stap long em i harim long nausman bilong i Gat Hop ogenaísesen bilong ol lain i stap wantaim AIDS, Peter Momo.



DISCONNECTION EXERCISE

The PNG Waterboard advices all users of water/sewerage services nationwide that an **Extensive Disconnections Exercise** will take place to recover a massive outstanding debt of K30 million owed by individuals, Industries, institutions and Government Departments.

Disconnections exercise have commenced where meters are being removed, and reconnected upon settling of the Full Outstanding Account Balances.

This exercise will continue to December and any Customers who owe more than **K5,000.00** in balances will be affected.

Those customers who have resorted to illegal connection will be dealt with under the National Water Supply & Sewerage Act.

Government Departments and institutions must take immediate step as soon as possible to avoid any inconvenience.

Call into your nearest PNGWB Business Office or alternatively contact Head Office on **Ph:** 3235700 Ext: 240, 242, 236, 238, 210, 234.

Authorized by Managing Director
Mr Patrick K Amini OBE.

Bikpela grup PNG sumatin go stadi long Saina



GO LONG SAINA: Ol PNG sumatin husat i go pinis long Saina i kisim poto wantaim ol China embesi ofisal na ol ofisa bilong gavman na ol sampela famili memba bilong ol. Poto: James Kila

AusAID sapotim EHP edukesen

James Kila i raitim

GAVMAN bilong Australia i laik go het yet long sapotim stret edukesen wantaim mani i go stret long provins na distrik level we ol sumatin i lainim samting gut.

Ol dispela mani mas go stret long baim ol buk na samting bilong skul na tu sapotim ol edukesen ofisa insait long provins na distrik level long sekim gut ol skul na wok i kamap gut.

Dispela em bikpela toktok sinia opisa bilong AusAID, Moale Vagikapi i mekim long Goroka long las wik taim AusAID i givim K100,000 i go long sapotim edukesen program long Isten Hailans provins.

Mis Vagikapi, husat em tim lida bilong AusAID long EHP, i tok olsem AusAID i laik wok klostu wantaim dipatmen bilong edukesen long daunim hevi bilong skul fi. Na antap long en tu, bringim moa pikinini long pinisim gut skul bilong ol na kamapim gutpela



SAPOT: AusAID tim lida long Isten Hailans, Moale Vagikapi i givim sek i go long Isten Hailans Provinsal (EHP) Administreta, Munare Uyassi narapela makim AusAID, Alison Te'Luis long lephan and EHP Edukesen edvaisa Conrad Esoke i lukluk.

kwaliti bilong edukesen long Papua Niugini.

Em i givim sek man i go long EH Provinsal Edministreta, Munare Uyassi na EH provinsal Edukesen edvaisa, Conrad Esoke long las wik Trinde long Goroka.

Dispela mani bai go long helpim long bringim ol skul saplai long provinsal na dis-

trik level na tu sapotim ol edukesen opisa long kamapim gut wok long helpim ol sumatin long distrik level.

Mis Vagikapi i tok long dispela (2010) AusAID i givim pinis K2 milion insait long edukesen program taim ol i bin givimaut K100,000 i go long olgeta provins long

kantri long sapotim na strongim edukesen wok long provinsal level na tu sapotim mani helpim i kam long Nesenel Gavman bilong PNG.

Mista Uyassi i tok dispela helpim i kam long AusAID bai helpim gut tru EHP long salim ol opisa long go raun long ol distrik na sekim ol skul na lukim olsem ol skul long rurel ples i ron gut na i wok long kisim ol risos long helpim ol sumatin long lainim ol samting.

Gutpela wok we i kamap i lukim tu AusAID i putim ol wokman meri bilong en long provinsal level long helpim ol lokol edministresen.

Mis Vagikapi i tok stap bilong ol AusAID opisa long provinsal level em gutpela tru bikos ol i ken luksave na bringim stretim ol helpim i go long wanem ol eria helpim mas go stret long en. Dispela bai helpim tru ol skul na bringim moa sumatin long i gat sans long kisim gutpela edukesen.

James Kila i raitim

WANPELA bikpela grup sumatin bilong Papua Niugini long dispela wik Mande i lusim kantri long go skul o mekim stadi long ol yunivesiti long Saina.

Dispela grup em 26-pela ol sumatin olgeta na namel long ol dispela lain em 3-pela em ol polis ofisa husat bai go long China long lainim tok-ples bilong China, na ol narapela em 10-pela em ol anda greduet na 14-pela i go long mekim mastas digri stadi program bilong ol.

Long las wik Fraide Embasi bilong Pipels Ripablik bilong China long Mosbi i stretim olgeta pepa wok olsem paspot, skul pepa, na ol medikal pepa na bihain i tok gutbai long ol dispela lain long embasi long Mosbi.

China Embeseda i kam long PNG, Qui Bohua, i givim tok amamas na strongim ol lain ya olsem China em gutpela ples na ol i no ken poret na ol mas lainim planti gutpeal samting long hap.

Embeseda Qui i tok olsem bihain taim bilong dispela wol i stap long han bilong ol yangpela pipel na ol dispela sumatin bilong PNG bai go long China na lainim ol nupela samting long bringim i kam bek long PNG long helpim na kamapim developmen long hia.

Ol lain long Embesi bilong China long Mosbi long Fraide i tok olsem dispela

em wangepa bikpela grup sumatin long go stadi long China.

Mista Qui i tok olsem PNG na China em tupela em ol developing kantri na i gat planti wan kain ol samting na tu wan kain hevi.

Em i tok olsem Gavman bilong Saina i bin helpim PNG long planti ol bikpela projek olsem Sir John Guise Stadium, Wawin Nesenel Haikul, Vudal Yunivesiti, Mt Hagen Agrikalsa Teknikal Koles na wok we bai kamap long nupela Intanesenel Konvensen Senta. Dispela nupela konvensin senta bai ol lain bilong Saina yet bai kamapim disain na olgeta mani long wokim dispela senta i kam long gavman bilong China.

Mista Qui i toktok tu long ol hevi we i kamap long wok long Ramu Nico projek long Madang we i wok i no go het gut bihain long kot i kamap. Em i tok olsem dispela Ramu Nikel projek long Madang bikpela investmen tru insait long PNG na Saut Pasifik rijon we mani mak i sanap olsem K1.2 bilion.

Em i tok olsem dispela projek long Madang i bringim planti gutpela senis i kamap insait long lokal komyuniti we pastaim ol pipel i no bin lukim bihain long las 30 yia bihain long kantri i kisim indipendens.

Em i tok olsem dispela kot we i mekim wok i go bihain, tasol em i tok olsem kampani i bihainim olgeta pepa wok bilong gavman long kamapim projek.

Bulolo memba helpim Baiyun na Grace Memoriel Sekonderi wantaim K60,000

EDUKESAN em i bikpela samting long kantri, pipel na wan wan manmeri i develop na wok long go hetim gut kantri long sosel na sait bilong iekonomik na ol narapela eria.

Sam Basil em Memba bilong Bulolo long nesenel palamen na wangepa yangpela lida husat i no pret, tasol em i save toktok strong taim em i lukim olsem samting i no stret long gavman na kantri i luksave long dispela na i givim sampela helpim long tupela skul insait long ilektoret bilong em.

Baiyun Hai skul long Mumeng na Grace Memoriel Sekonderi long Wau i kisim K60,000 na long dispela, wan wan skul i kisim K30,000 manimak bilong pinisim ol wok long sanapim haus slip bilong ol sumatin husat i save slip long skul.

Taim Mista Basil i givim dispela mani long tupela skul las wik i tok wantaim manimak inap long K120,000 we Join Distrik Plening na Baset

Praioriti Komiti i givim, tupela skul nau i gat VSAT intanet koneksen we ol i yusim long skruim lainim bilong ol long kompyuta na ol arapela skul wok.

Hetmasta bilong Buiyon Hai skul, Dusty Imaita i tok amamas long dispela mani bai helpim tru skul, em i tok skul i bin wok long painim helpim mani long pinisim haus slip bilong ol skul meri husat i wok long slip pas pas insait long wangepa bilding tasol.

Em i tok skul bot, ol tisa, ol sumatin na ol papamama i amamas tru long dispela helpim bilong memba bilong ol.

Deputi Gavana bilong Morobe provins na presiden bilong Waria Lokol Level Gavman em Morokoi Gaiwata i tok em i amamas long wok wantaim yangpela lisa olsem Mista Basil husat i save wok na pait hat long gutpela bilong pipel, komyuniti, provins na kantri.

Wanpela yunivesiti sumatin i go long Japan

WANPELA sumatin long Yunivesiti bilong PNG i bin lusim kantri long dispela wik Mande long go long kantri Japan aninit long Japan Faundesen Stadi Wokabaut bilong sumatin bilong narapela kantri i wokim gut long tokples Japan.

Jotham Ruruka i go pinis long Japan long raun lukim ol edukesenel institut na ol kalserel ples long Japan long tupela wik. Em bai kam bek long PNG long Septemba 15.

Dispela program i save givim sans long ol sumatin bilong ol yunivesiti, kolis na ol narapela skul ovasis (ausait long Japan) i lainim tokples Japan long go stap long Japan na skruim save long Japan sosaiti na kalsa, Embasi bilong Japan long Mosbi i tok.

Hula elementeri skul kisim helpim long Dijisel

OL ELEMENTERI skul long Hula Foskwea Living Lait Elementeri skul bai skul gut nau na tok tenkyu i go long mobail na komyunikesen kampani, Dijisel Faundesen.

Long las wik Trinde, planti handret komyuniti long Hula insait long Rigo Distrik bilong Sentrel provins, ol ples long Hula i bin bung wantaim ol skul tisa, ol sumatin na ol Dijisel Faundesen lain i bin bung wantaim long skul na lukim lonsim o opim bilong tupela nupela elementeri skul klasrum.

I kam inap nau, Hula Elementeri skul em i kamap olsem namba 10 elementeri skul long kantri long kisim helpim long Dijisel Faundesen wantaim ol klasrum, sampela ol skul buk, pensil, raba na ol narapela samting we ol sumatin na tisa i save yusim long lainim bilong ol.

Manimak bilong sanapim dispela tupela nupela klasrum na putim ol samting insait long ol inap long

K40,000. Wan wan klasrum bai kisim 50 elementeri skul sumatin i gat namel long 4 na 10-pela krismas.

Ol bin statim Hula Foskwea Living Lait Elementeri skul long las yia na long dispela taim, ol pikinini i save skul aninit long haus tisa na sios bilding.

Tasol dispela tupela klasrum bai helpim gut tru ol sumatin bikos wantaim ol tu, i gat skul laibreri i gat long ol 150 buk, skul blekbot na slet. Wan wan sumatin i bin kisim tu wangepa Dijisel skul Faundesen bek i gat long em wangepa eksasais buk na pensil kes i gat ol steseneri insait.

Siaman bilong skul bot, Jimmy Tuaru i tok ol i amamas tru long ol nupela klasrum bai helpim gut tru ol skul pikinini na ol tisa wantaim lainim bilong ol.

Sif eksekutiv opisa bilong Dijisel, Marina van der Vlies i tok long helpim ol elementeri skul long dispela rot i wan-

pela gutpela eksperiens bikos dispela em ol skul i stap insait long ol komyuniti we i no save kisim helpim ausait.

Pipel i nogat planti samting tasol ol i save givim wanem samting ol i gat. Long givim gutpela kwaliti besik edukesen em i bikpela samting bai stap longpela taim," Mis van der Vlies i tok.

Dijisel Faundesen i luksave long ol komyuniti i save wokim samting long helpim ol yet na givim sapot i go long ol.

Long wankain taim tu, Kiki Foskwea Elementeri skul long ples Kiki long Westen Hailans i bin opim tupela nupela klasrum long las wik Fonde.

Dijisel Faundesen i bin troim K40,000 long dispela tupela bilding. Kiki komyuniti i gat 6,000 pipel na i nogat elementeri skul long eria na olsem, kontribusen bilong Dijisel Faundesen bai helpim 120 pikinini long dispela yia.



BIHAIN LONG SIOS SEVIS: Sios lotu bung em i wanpela taim we ol Kristen i save go long pre na strongim spiritual laip bilong ol wantaim Bikpela. Tasol em i taim tu long bungim ol poroman, hauslain, ol wantok na ol wan lotu. Poto bihain long lotu long Don Bosko Katolik Katitrel long Is Boroko i soim kain piksa i kamap long ol narapela sios long kantri na wol we ol poroman, wantok na wan lotu i save amamas long bung na pulim stori. *Poto: Nicky Bernard*



SIOS I WOKBUNG LONG DAUNIM AIDS: Pasto Daniel Hewali bilong Ministas Frateniti i save wok wantaim NCD Provinsel AIDS Kaunsel i toktok long wanpela AIDS greduesen. Ol sios nau i strongim wok long helpim gavman i dau-nim sik AIDS long PNG.



SIOS ANINIT LONG DIWAI: Laloki sik long het haus sik sios kongrikesen i wok long gro bikpela isi isi. Olgeta Sande, komyniti long haus sik i gat long em ol nes, dokta, helt woka, ol sikman, ol famili bilong ol woklain na ol pipel long ol ples klostu i save lotu aninit long diwai long pre na givim biknem long Bikpela. Hia em ol woklain long haus sik na ol sik-man i paitim gita na singsing. *Poto: Veronica Hatutasi*



SIOS FAN RESING: Tupela meri Rigo i singsing raun long resim o pulim mani long sios fan resing bilong ol. *Poto: Veronica Hatutasi*

Lida na Plen Bilong God

ISAIT long lidasip, wanpela samting em i stap ples klia i olsem. God i save makim wanwan lida long kamapim sampela kain wok long helpim ol pipel i go inap long mak we God i laikim. Taim dispela wok i pinis, em wok bilong yu na lidasip bilong yu tu pinis. Sapos yu abrusim mak na stap long taim long wanpela lidasip posisen, bai wok bilong yu i no inap kamap gut. Olgeta intres na bel kirap na amamas we yu i gat na ol pipel tu i gat long yu bai kam inap long mak bilong bilong em na i pinis olsem.

Eksampel em yumi lukim long histri long Baibel long laip bilong sampela lida olsem Moses. Moses God i makim em long mekim wanpela wok tasol. Dispela wok em long bringim ol pipel i kam out long Isip long han bilong king Fero i go long graun we ol i ken kaikai gut, malolo gut na Lotu long God wanpela tasol.

Moses i bringim ol pipel i kam aut long Isip na bringim ol i kam kamap long maunten Nipo na em i pinis.

God i givim em blesing long mekim dispela wok tasol, na i no bilong i go moa.

Bikpela wok bilong Moses em long wok wantaim God long bringim ol lain long ples we nau ol stap i go long nupela hap. Lida i gat dispela kain wok. Wok bilong kisim ol long ples we nau ol i stap i go insait long nupela hap. Mining bilong dispela kain tok em i bikpela moa. Insait long olgeta kain level bilong lidasip. Yu mas kisim ol pipel long ples we nau ol i stap long Bodi, Sol o Tingting na Spirit i go insait long nupela kain sindaun.

Long Bodi em i tok long ol kain sindaun na hevi bilong gutpela sevis olsem, mani na wok bisnis, Helt Sevises olsem Haus sik o etpos, rot sevisna trenspot, na gutpela skul na Edukesen em ol samt-ing we bodi i gat nid long en. Gutpela haus, gutpela kaikai, gutpela wara na gutpela lait.

Long tingting em tok long manmeri i mas senis long kain tingting nogut we i save bagarapim laip na sindaun bilong ol nau i go long nupela kain senis tingting we ol i painim gutpela bel isi, malolo na bel gut.

Gutpela tingting i kamapim gutpela toktok, we i kamapim gutpela pasin na gutpela pasin i kamapim gutpela sindaun. Senis tingting we Jisas i wasim long blut bilong em (Rom 12:2). Baibel i tok long yumi mas kisim nupela tingting. Taim manmeri i kisim klia tingting long em yet na long ol arapela bai tok-tok na pasin bilong em tu i senis. Taim manmeri i kisim klia tingting long em yet na long ol arapela bai toktok na pasin bilong em tu i senis. Taim manmeri i no kisim klia tingting long olgeta kain samting em i mekim hat long ol long kamap wantaim gutpela toktok na pasin.

Long Spirit em i toktok long level bilong bilip na Kristen pasin we i save kamap ples klia taim manmeri



i laikim God na go klostu long em na lotu long em na stap pas wantaim God. Olgeta manmeri i gat spes insait long spirit bilong ol we God yet inap long pulapim dispela spes. Taim God i no pulapim dispela spes, manmeri i stap emti na i no painim tru laip i stap gut oltaim. Taim manmeri i painim God na lotu tru long em na larim God i bosim laip bilong em, bai manmeri inap painim tru laip i gat mining na laip i pulap tru long amamas na bel isi. Spiritual Lidasip i save lukim dispela kain level long spiritual laip na bringim manmeri i go moa insait long God.

Insait long Kristen laip i gat 3pela kain level bilong Lidasip. Dispela 3-pela kain level em toktok long Kristen laip i stat we na i go we. Long ol piksa bilong sindaun na wokabout bilong ol Isrel yumi lukim olsem Kristen laip i stat long Pasova i go long Pentekos na pinis long Fist bilong Tabenakel.

- Step 1: Pasova Ekspiriens**
- Step 2: Pentikos Ekspiriens**
- Step 3: Fist bilong Tabenakel Ekspiriens**

Moses em i lida bilong Pasova Ekspiriens, Josua em i Lida bilong Pentekos Ekspiriens na David em i lida bilong Fist bilong Tabenakel ekspiriens. Dispela em i olsem eksampel tasol long helpim yumi long luksave long mining na taim bilong lidasip. Lidasip God i makim insait long plen bilong em long karim aut wok inap long mak. Taim yu stap long plen bilong God bai gutpela samting o kaikai i kamap ples klia long lidasip na wok bilong yu. Taim yu stap long laik bilong yu yet, bai nogat gutpela samting bai kamap ples klia long Lidasip na wok bilong yu.

Tude planti Lida i laik holim Pawa na stap longtaim long lidasip. Dispela kain pasin em i selpis pasin na i no insait long plen bilong God long statim na pinisim tru wok we God i makim yu long mekim. Sampela taim yu ken stap long taim na blokim spes bilong narapela Lida we inap long kamap wantaim nupela visen na tingting long helpim pipel i go moa long nupela kain laip na sindaun. God i save makim man long mekim wok we ol arapela i no inap mekim. Em yet bai mekim wantaim helpim na save i kam long God. Na tu ol samting gutpela kain we na pasin em i gat bai God i yusim long kamapim samting we narapela i no inap long mekim. Taim yu mekim pinis dispela wok, na pinisim gut orait bai God i redim narapela man o meri ken long kisim ples bilong yu na lidim ol pipel i go long nupela level gen. Olsem Moses i kisim ol pipel i go inap long mak bilong plen bilong God. Josua i kisim ol i go moa gen long kisim ples insait long plen bilong God. Wanem samting bai kamap.

Bung bilong ol bos meri polis long Pasifik bai kamap long PNG neks yia

Helen Rei i raitim

PNG POLIS Konstabuleri (RPNGC) bai hostim o lukautim wanpela bikpela bung bilong ol Pasifik Ailan Sif bilong ol Polis (PICP) Wimens Edvaiseri Netwok (WAN) long Jun neks yia.

PICP WAN em i wanpela bikpela oganaisesen i save lukluk na stretim ol isu o ol samting i karamapim ol polis meri long ol Pasifik kantri na tu, i stap olsem nek i makim ol meri long eksekutiv level long ol polis oganaisesen long Pasifik. Dispela em i bikpela samting olsem rot long kamapim senis, kamapim gut pela luksave long wokmak na kontribusen bilong ol meri insait long polis lon g Pasifik.

Ol bin statim PICP WAN long yia 2004 na ol polis oge- naisesen long 21 kantri i memba long em. Na ol i save bung long wanpela taim long wanpela yia.

Long dispela yia, ol bin holim bung long Apia long Samoa long tupela de. Em long Jun 9 na 10.

Het tok bilong konprens em "Ethics and Integrity" o Gutpela Pasin na Wokim Samting long Strepela Pasin. 50 lain i bin makim ol 21 kantri i memba long PICP WAN.

Sif Inspekta Joanne Clarkson, Sinia Konstebol Joyce Angoro na Konstebol Suzanne Eric i bin makim ol polis meri long RPNGPC long dispela Samoa bung. Sif Inspekta Clarkson i bin kamap siameri long PICP WAN Samoa bung.

Taim ol i kam bek, tim i bin toktok wantaim Polis Komisina, Gari Baki long Samoa bung. Na nau ol i mekim ol wok redi long bung we RPNGPC bai lukautim long PNG neks yia. Ol i sanapim pinis wanpela komiti long go pas long 2011 PICP WAN bung bai kamap long Mosbi.

Mis Clarkson i tok ol bai holim bung long Jun neks yia na dispela bai givim sans long ol polis meri long PNG long soim wok bilong ol na tu, bilong Lo na Jastis Sekta. "Planti polis meri long Pasifik i laik save moa long PNG na bai bikpela samting long yumi lukautim PICP WAN neks yia long kliarim sampela ol paul tingting we ol i gat long kantri bilong yumi," Mis Clark i tok.

Em i tok ol polis meri long PNG i wok long redi long dispela bun bikos ol i lukim olsem dispela bai bildim luk- save bilong ol polis meri bilong yumi long PNG.

Pot Mosbi Jenerel Haus Sik i laikim moa woklain na ol masin long helpim ol sik manmeri

Veronica Hatutasi i raitim

I GAT wari long sot long ol wok manmeri long haus sik na ol marasin na masin samting long helpim ol siklain taim ol i sik na go kisim marasin o ol i slip long haus sik.

Margaret Kliawi em wanpela komyuniti wokmeri long Mosbi siti i autim ol wari bilong em bihain long em i bin slip long TB Wod 4B long Pot Mosbi Jenerel Haus sik lukautim pikinini bilong em i bin kisim sik TB na slip long haus sik long tripela mun long dispela yia.

Taim Misis Kliawi i amamas long ol dokta na nes husat i karimaut wok, maski ol i sot long ol wokman na ol marasin samting, em i tok ol helt atoriti i mas wokim samting long stretim ol dispela wari long sevim ol laip na kamapim gutpela piksa long helt mak bilong dispela kantri.

Planti taim, Wod 4B Misis Kliawi i bin stap long em olsem was mama i bin gat wanpela o tupela nes i mekim wok long lukautim samting olsem 62 sik manmeri i slip long dispela wod. Na dispela i no nap. Tu, em i lukim sot long marasin na ol masin samting long helpim ol sik manmeri long em.

"Pot Mosbi Jenerel Haus sik i laikim moa nes na dokta long mekim wok na sevim ol sik manmeri. Dispela em mi lukim long Wod 4B, TB Wod.

"Narapela em, sot long ol masin

na ol samting bilong ol dokta na nes i yusim long wok bilong ol long helpim ol sik manmeri. Long Wod 4B, mi lukim olsem masin bilong givim win (nebulizer) em dispela wod i laikim stret. Planti siklain long dispela wod i wok long dai bikos i nogat inap masin bilong givim win. Tu, glavs em wanpela samting i save sot. Ol dokta, nes na ol woklain long haus sik i mas putim ol glavs long taim bilong wok long banisim ol long kisim ol kain sik taim ol i lukautim ol sik manmeri. Nogat gloves i putim laip bilong ol long hevi.

"Wod i sot long pilo, pilo kes, bet- sit na wanpela wilsia tasol i no inap. Long sait bilong kaikai, i nogat prut.

"Sot long ol marasin em narapela bikpela samting mi lukim. Long moning yet, ol nes bai mekim tok- save olsem bai gat inap marasin tasol long wanan taim n a wanem marasin ol sikman i kisim, ol i mas dringim.

"Bikos long sot long woklain, ol i save askim ol waslain (guardians) long helpim ol siklain na tu, mekim sampela wok bilong ol nes. Tasol mi pilim olsem ol waslain i nogat tren- ing long mekim sampela ol samting.

"Narapela samting tu em, i moa- beta long ol waslain i mas kisim tu kaikai we haus sik i givim long ol siklain. Dispela em bikos sampela waslain i kam long ol longwe ples ausait long Nesenel Kapitel Distrik. Na long dispela taim, laip i hat

tumas na i no olgeta de ol hauslain bai kam wantaim ol kaikai long ol siklain.

"Ol medikel tim i traime bes long mekim wok wantaim sot long ol samting we i hat tru. Tasol mi tok tenkyu long ol bikos maski ol hevi i stap, ol i wok yet long sevim ol sik manmeri," Misis Kliawi i tok.

Em i tok tu olsem raun bilong ol sios na mama grup i go long lukim ol sikman i save mekim ol i amamas bikos ol i givim helpim long spiritual na fisikel sait.

"Ol sios na meri grup i save go givim ol gutpela toktok na pre wan- taim ol siklain long givim spiritual sapot long ol. Na ol i givim ol kaikai, klos, ol sop, tut pes, toilet pepa na mani wantaim we i mekim ol sikman olsem i gat lain i tingim ol yet. Ol lain long Angliken Sios i save raun i go tupela taim long wanpela wik na kisim sup na ol prut i go long ol sikman na tu, pre wantaim ol. Ol Yunaitet Sios meri grup i save mekim ol spesel raun na pre na givim ol kaikai samting.

"Dispela ol raun i save kamapim hiling na amamas long ol sikman na i mekim ol (sikman) olsem i gat lain i tingim ol yet.

"Laspela toktok mi gat long en em, ol medikel tim i mas kisim hai risk alauwens bos ol i wok long "hai risk" eria o eria we ol i ken bungim birua long en olsem TB na AIDS Wod," Misis Kliawi i tok.

Raun Lukim ol Meri na Pikinini

STAIL BILAS:
Tupela
pikinini
Hailans i putim
naispela bilas na
stap long wan-
pela selebren
long siti.



:PIS GRUP: Sampela ol meri long grup i laik kamapim belgut na belisi pasin long famili, komyuniti na kantri i singsing long taim bilong wanpela woksop



SUMATIN MERI YUNIVESITI: Tupela sumatin meri yunivesiti wantaim ol narapela wanklas Yia Tri lain i wokim Lengus na Literetsa Kos long UPNG i kam mekim sampela wok risets long Wantok Niuspepa Akaivs.



OL POUKAMA
MAMA: Ol Poukama mama long Mekeo eria bilong Sentrel Provins i luknais wantaim yelo kala bilas bilong ol.

LIKLIK MANUS GELS: Naispela bilas bilong Manus em tupela liklik pikinini meri i kam gut wantaim.



TOK PISIN NEWS
from Radio Australia

radioaustralia.net.au



Harim TOK PISIN long
Radio Australia
101.9FM
Port Moresby

Tok Pisin Service
6am - 7am 6080; 7240(KHZ)
7pm - 9pm 5995; 6020; 9710; 1280(KHZ)

Ol i wari long planti pikinini bai kisim sik long hai-wara long Pakistan

WOL Helt Ogenaisesen i tok, moa long tri milian pikinini long Pakistan bai kisim sik long haiwara long Pakistan.

WHO i bin kirapim ol dairia tritmen senta long not wes bilong kantri mak bilong wara bilong flad nau i wok long go daun.

Lokol dokta, Asadulla Khan i tok, ol dispela haiwara i bin kamap long mun i go pinis, i bagarapim pinis ol suris sistem na bagarapim ol wel o hul wara long kantri.

"Wara ol i dring o suris sistem we i miks pinis wantaim wara bilong dring, na dispela i wok long kirapim bek ol sik long komyuniti. Dispela em i wanpela bikipela salens bilong mipela bikos em bai givim moa hevi bilong ol sikman," em i tok.

Lain NGO long Papua Niugini

NAU yet, ol non gavman oge-naisesen long Papua Niugini i no orait long wanpela askim bilong Minista i bosim wok Maining, John Pundaru long gavman i mas tingting long kirapim wanpela bodi long was long ol NGO i stap insait long kantri.

Wanpela toktok bilong Minista i tok, dispela bodi bai lukim olsem olgeta NGO long kantri i mas wok aninit long dispela bodi ol i kirapim.

Tasol Noel Anjo i kam long NGO na Sivil Sosaiti Koalisen long Papua Niugini i tok long dispela tingting olsem em i no stret aninit long mama lo, na i tok long en olsem, em i no luksave long gutpela wok ol lain NGO i mekim insait long kantri.

Papua Niugini nau i stat winim pait agensim HIV AIDS

WANPELA bikipela miting bilong Yunaitet Nesens long toktok long developmen na global helt i harim pinis olsem Papua Niugini nau i stat long winim pait agensim HIV AIDS.

Dispela konprens o miting long Melbon, Australia, i harim olsem stap bilong sik long Papua Niugini nau i stat long i go daun.

I gat 34 tausen pipel i gat dispela sik, HIV AIDS long Papua Niugini.

Tasol Bill Bowtell, hetman bilong Advokesi grup, Pasifik Frens ov the Global Fan, i tok, bikipela namba bau i gat dispela sik, nau i wok long kisim tritmen.



BIKPELA smuk i sut i kamaul long maus bilong Maunten Sinabung, wanpela bikipela maunten paia long Indonesia. Em i bin pairap gen long Ogas 31, bihain long em i slip 4 handret krismas. Indonesia gavman i givim strongpela tok lukaut long ol balus kampani long abrusim Maunten Sinabung long noten Sumatra long wanem em i wok tromoi das na smuk.

Mista Howell i tok, ol intanesenel dona i nidim moa mani bilong helpim wok long pait agensim HIV AIDS insait long ol pua o turangu kantri olsem Papua Niugini.

PNG mas wokim kempein long toksave long sik malaria

I GAT ol askim i kamap long Papua Niugini bilong wokim bikipela midia kempen long skulim pipel long sik malaria.

Dispela sik, em moskito i save karim, i save kisim wan milian pipel long Papua Niugini long olgeta yia, kilim 500 pipel.

Populesen Sevises Intanesenel grup, i wok long painim ol nupela kain ejensi bilong kamapim wanpela midia kempein bilong makim ol rural komyuniti.

Em i laikim stret long tagetim pipel husat i lukautim ol yangpela pikinini, krismas bilong ol i stap aninit long faiv.

Infomesen, edukesen na komyunikesen kodineta bilong grup, Lydia Kaia, i tok, em i bikipela samting long putimaut dispela tok-tok i go long ol rural komyuniti.

"Long PNG, i no planti manmeri i gat rot long kisim TV na pawa, olsem na mipela i go bikipela long redio bikos mipela i painim olsem redio i gat bikipela maus tru, na planti manmeri i save harim. Olsem na ol tok stia na long we mipela i bungim toktok wantaim i save gutpela long ol lain long taun long harim na karim dispela tok-save i go bek long ol pleslain.

Intanesenel komyuniti i no givim inap halivim long Pakistan

WANPELA seneta bilong Amerika, John Kerry, i tok intanesenel komyuniti i no wokim inap long halivim Pakistan em bikipela haiwara i kamap long en, na i givim tok lukaut pinis olsem, sapos ol i no givim inap halivim, em bai kamapim hevi long sekyuriti na ol rebel lain.

Mista Kerry i tok Pakistan inap go het long wok wantaim ol gavman bilong ol narapela kantri, long pait agensim ol rebel lain sapos ol i givim inap halivim long kantri long lukim sekyuriti i go het long kantri.

Dispela ol toktok bilong em i kamap taim Yunaitet Nesens na Aid Ejensi i tok lukaut long hangre na ol kain sik bai kamap.

Haiwara nau igo daun pinis, tasol em i larim ol wara i stap yet long graun na em ol kain sik inap kamap long en.

Wol Helt Ogenaisesen i tok, tri milian pikinini, inap long kisim sik long ol dispela wara i stap long graun.

Long saut bilong kantri, we ol haiwara i wok long go het long kamap, ol eria, ol opisal i tok, ol i bilip haiwara bai no inap kamap long Thatta siti, bihain long ol i bin wokim gut gen ol wol bilong pasim ron bilong hai wara.

Samting olsem 300 tausen pipel bilong siti nau i wok long kam bek, bihain long ol i bin ronawe lusim ol haus bilong ol long wik i go pinis.

Volkeno long Indonesia i pairap gen

I GAT nupela pairap i kamap long Volkeno long Not Sumatra, long Indonesia, na pasim ron bilong ol balus na mekim planti tausen moa pipel i go stap long ol temprari selta o haus sel.

Ol i tokim pinis ol balus i no ken ron klostu long Maunten Singabung, em i bin pairap long namba wan taim insait long foa handret yia, aste.

Tude, long moning bikipela pairap i bin kamap long en, salim ol smuk na das, tupela kilomita i go antap long kilaut.

Moa long 21 tausen pipel nau i wok long stap long o imejensi akomodesen insait long tupela taun i stap klostu.

Ol Tonga soldia i wok wantaim RAMSI nau i go bek pinis long ples

OL soldia bilong kantri Tonga husat i bin wok wantaim Rijinal Asistens Misen long Solomon Ailans, i go bek pinis long Tonga.

Ol opisal i tok, tingting long salim ol i go bek long ples, i bin stap yet long plen na i no bihainim dispela hevi long kilim dai bilong wanpela sivilian o man nating long biktaun Honiara.

32 soldia wantaim tu dispela tupela i bin stap long sutim dai bilong dispela man, i bin pinisim fopela kontrak bilong ol wantaim RAMSI.

Dispela go bek bilong ol soldia bilong Tonga i kamap taim Honiara

i wok long wetim wanpela bekim i kam long Tonga long larim dispela soldia i kamap long kot, long dispela kilim dai bilong man.

Ol i bin kilim dispela sivilian long stat bilong dispela mun taim ol soldia bilong RAMSI i bin go long pasim trabel i bin kamap long wanpela viles arasait long Honiara.

Tonga bai salim narapela lain soldia long wok wantaim RAMSI long Solomon Ailans, long mun Desemba.

Tripela pipel i dai pinis long guria long Iran

RIPOT i tok tripela pipel i dai pinis long wanpela guria em i bin kamap long noten Iran, tripela long ol, ol pikinini.

Iran gavman midia i wok long ripot olsem foapela ten (40) pipel i kisim bagarap taim dispela guria, strong bilong en i bin kamap long 5.7 i bin kamap stret long Damghan siti, em i stap long not bilong Iran.

Ol opisal i tok sampela vilis i bin bagarap na nau ol wok bilong halivim i wok long go het bilong digim aut ol pipel i stap aninit long ol haus em i bin bruk na pundaun antap long ol.

Dasht-e Kavir, gavman televisen i ripot tripela pipel i dai na foapela ten i kisim bagarap taim guria i kamap long bikipela deset bilong Iran long Sarere.

Long narapela ripot, gavman televisen websait i givim toktok bilong sekreteri jeneral bilong Iran, Red Crescent, Zaher Rostani, long tok olsem wanpela lapun meri i bin wanpela long ol lain i bin dai long guria.

Websait i tok siksipela vilis klostu long Damghan i bin bagarap long guria em i kamap samting olsem 278 kilomita long is bilong Tehran.

Sik Encephalitis i kilim 211 pipel long India

SAMTING olsem 211 pipel i dai pinis, planti long ol em ol pikinini i dai long sik, ol i kolim Japanis Ensefalaitis long noten India.

Moa long 12 handret nau ol i stap long haus sik.

Ol helt opisal i tok planti long ol pipel i dai, i bin kamap long Gorakhpur long distrik long Uttar Pradesh stet, stat long monsun sisen i bin kamap long rijen, stat long mun Julai.

Na i luk olsem bai namba bilong pipel i dai bai go antap moa moa yet.

Ol helt savemanmeri i tok 70 milian pikinini long India i ken kisim dispela sik ensefalaitis.

PacificBEAT

4. 5. 6am & 4pm. 5pm
including sport

Listen to Radio Australia
101.9FM Port Moresby

Radio Australia current affairs programme which focuses on island nations, bringing you morning and evening coverage of Pacific current affairs including interviews with political leaders, newsmakers, and the people who make the Pacific beat.



Ol Hailans lida strongim pos bilong Gavman

DISPELA namel taim nau go inap long mun Novemba em gupela sans bilong ol nupela minista we Gavman bilong Somare bin makim ol long las mun.

Ol dispela minista em sampela i gat bikpela amamas tru bikos em namba wan taim bilong ol long kisim dispela bikpela wok insait long Papua Niugini we ol go pas long ranim ol bikpela opis na dipatmen bilong kantri. Kain olsem Minista bilong Lens, Sivel Eviesen na Kalsa na Turism.

Bikos Gavman bilong Somare bin surukim sindaun long palamen go moa long mun Novemba, ol dispela minista gat inap taim nau long soim tru save na lidasip bilong ol long ranim ol dispa dipatmen o opis.

Wanem gupela disisen na eksen plen ol kamapim nau bai soim sapos ol ken ranim dispela ministri go moa long 2011 inap long 2012.

Ating Gavman bilong Somare bin givim sans long planti nupela memba na ol lida long holim ol wok ministri we ol ken autim ol yet long sevim kantri wantaim



sampela gupela disisen na save bilong ol long ranim wok.

Bikpela senis we i bin kamap gut em Gavman bin makim memba bilong Kendep Don Polye long kamap Deputi Praim Minista we i amamasim tru olgeta lida bilong Hailans rijon. Planti bilong ol nau i holim ol wok minista moa long ol arapela rijon.

Long Sauten rijon em tripela minista tasol em memba bilong Kikori Mark Maipaika, memba bilong Rigo Ano Pala na memba bilong Mosbi Saut Dem Carol Kidu.

Long Niugini Ailan rijon em olgeta memba i stap wankain yet olsem pastaim na long Momase rijon em memba bilong Nawae Timothy Bonga tasol kamap minista bilong Fores.

Planti senis em long Hailans rijon we planti nupela memba i kisim ol wok

ministri na sampela olpela olsem memba bilong lalibu Pangia Peter O'Neill bin kisim nupela wok olsem minista bilong Fainens na Don Polye we em kamap namba tu Praim Minista.

Yumi luksave pinis olsem taim Oposisen bin kamapim liklik guria long palamen long las mun long kamapim vot nogat bilip long Gavman bilong Somare, ol lida bilong Hailans rijon bin bung long soim strong bilong ol long sanap wantaim.

Ol ken sanap wantaim long nupela Gavman o holim yet olpela Gavman. Ating long dispela as ol sanap strong wantaim olsem na Somare luksave long dispela na givim ol dispela presen. Dispela presen Somare i givim i kamap klia stret we Gavman i sanap strong yet na ron yet long holim Gavman go het.

Olsem na Somare Gavman no inap pret moa bikos ol Hailans lida i sanap strong wantaim na sapot bilong ol bai lukim dispela Gavman inap brukim birua bilong vot nogat bilip we inap kamap long bihain taim.

Planti Hailans lida i ama-

mas pinis bikos ol kisim sans long holim ol wok minista nau. Dispela em wanpela bikpela samting ol laikim long Gavman i givim long ol. Wankain tu ol lida bilong Westen Hailans provins tu i gat bikpela amamas bikos ol kisim nupela provins ol kolim Jiwaka provins.

Las mun Praim Minista yet bin go krungutim graun long Jiwaka na ol pipel i singsing na amamas nogut tru.

Somare i save gut tru long rot na we bilong holim ol memba wantaim na mekim ol amamas bai ol ken strongim na karim Gavman go het yet inap long 2012 nesenel ileksen.

Dispela em namba wan taim long stori bilong Papua Niugini we Somare Gavman i bin winim stret 10-pela kris-mas long Gavman.

Ating bikpela projek bilong LNG we i kamap nau inap kisim bek olgeta memba ya i kam bek long 2012 nesenel ileksen long go het na strongim LNG projek we inap developim kantri bilong yumi PNG go het yet long gupela sevis na ol developmen.

WANTOK

KOMENTRI

Wokim samting stret i no wanpela samting

PASIN bilong bihainim stretpela rot, na wokim wok stret em i samting we i hat tumas long mipela tude.

Long ol lidaman bilong yumi long gavman i go daun olgeta long man i save bungim ol ken dring bilong salim, pasin bilong wokim samting stret, bihainim stretpela rot, em sampela taim, i save hat moa.

Ol lain husat i save bungim ol sof dring ken, ol i save olsem sapos ol i paitim i go flet na liklik tru, bai em i hevi moa, na taim ol i karim i go long skel, bai ol i ken kisim moa winmani long en.

Tasol tude, long Mosbi siti, bai yu lukim wanpela pasin i kamap. Taim ol i bungim wanpela bikpela bek bilong flaua wantaim ol ken, ol bai brukim i go liklik, bihain, bai ol i karim bek i go na tromoi long rot tasol.

Ol i nogat tingting olsem rot em i pablik rot, na mi noken mekim pipia long pablik rot. Nogat. Ol bai sindaun long sait na lukluk na amamas taim ol kar i ron i kam na smesim ol ken i go daun olgeta.

Wankain olsem manmeri i sanap long lain long benk. Planti long yumi bai sanap bihainim lain, bikos em i we bilong mekim.

Long sampela, em i hat moa. Ol bai lukluk i go kam long pes bilong ol benk wokman, long traim painim wanpela wantok i stap insait. Sapos nogat, sapos sekyuriti em i wanpela wantok bilong ol, bai ol i givim sigi tasol na em bai go na isi isi, givim long ol wokmanmeri long stretim kwik.

Planti kain pasin olsem, nau i save kamap bihainim les pasin. Sapos yumi nap painim wanpela rot bilong sotkat o long hariapim samting yumi laikim, bai yumi bihainim yet.

Dispela kain pasin tasol i lukim pasin korapsen i sindaun kru pinis long olgeta wok pablik sevis.

Yu laik opim akaun, bai yu mas givim liklik toea long ol bikman long sainim pepa bilong yu. Sapos yu laikim sek bilong yu i klia kwik, bai yu mas skelim liklik hap i go long han bilong man o meri i wok stretim.

Sapos yu laik salim bia, bai yu mas tingim tu ol polisman o lika laisens man wantaim hap toea, o sampela fri katen bia long bihain.

Pasin bilong wan wan manmeri i luksave long strong bilong gupela tingting na pasin, em i no stap strong olsem bipo.

Tete, yumi lukluk painim sotkat tasol.

Olsem na sindaun bilong yumi i bagarap olgeta.

Save i stap nau long yumi olgeta wan wan long senisim.

WANTOK

Published Weekly, Thursday, for
Word Publishing Company, Ltd.

P.O. Box 1982, Boroko, NCD

Papua New Guinea

Telephone: (675) 325 2500

Fax: (675) 325 2579

Email: editorial@wantok.com.pg

Pe bilong wanpela yia
52 niuspepa

Ples:

PNG

AUSTRALIA

ASIA PACIFIC na JAPAN

AMERICA na EUROPE

Air:

K220.00

US\$110.00

US\$150.00

US\$210.00

General Manager
Elizabeth Konga

Editor
Neville Choi

Published at
Section 58, Allotment 3
Office 2, Waigani Drive.

Word Publishing Company Limited is owned by the four major churches of Papua New Guinea - Catholic 55%, Lutheran 25%, Anglican 10%, United Church 10%. The company reserves the right to accept or reject any advertisement or other material submitted for publication which it deems contrary to the public interest at its absolute discretion. The publisher's general term acceptance are available at Word Publishing Company Ltd and are set out full on the display advertising form.

Ol wina em...

MI bin amamas tru long dispela de em aste Trinde Septemba 1 insait long taim mi wok long Motor Vehicle Insurance Limited. Spesel tenkyu i go long pren bilong mipela long Air Niugini em Maketing Menesa Colin Lyttle bikos mi wantaim em i mekim dro na tokaut long 15-pela NRL Gren Fainol PMV draiva kompetisen wina.

Nem bilong dispela 15-pela PMV draiva em olgeta lain long PNG i wok long seksek long save. Olgeta dro i bin kamap long piksa long televisin long aste nait long EMTV, na tude ol niuspepa bilong mipela long kantri na tu Wantok Niuspepa bai printim nem bilong ol dispela wina na tu planti ol redio stesin long kantri bai mekim ripot. Ol dispela gutpela na strongpela draiva wantaim gutpela tingting em bikpela tok-amamas i go long yupela. Yu husat i save long ol dispela draiva mi askim yu long mekim taim bilong yu long toktok wantaim ol long olsem wanem tru ol i bin mekim gut na win.

Insait long dispela mun i lukluk i go het long toktok wantaim sampela bilong ol dispela wina na givim ripot long stori bilong ol. Yumi save nau olsem ol dispela draiva i kam long kain kain hap bilong kantri na em gutpela tru long harim stori bilong ol dispela man bihain long ol i kambel long Sidni bihain long NRL Gren Fainol.

Las wik mi givim ripot long nius we i no gutpela tumas long ol PMV draiva husat i



MVIL Menesing Dairekta, Dokta John Mua i putim han long basket long pulim nem bilong ol PMV draiva long dro long aste nait. Poto: James Kila

rejista long Mosbi na gutpela pasin ol PMV draiva long ol autsait senta i soim. Long lukluk long gutpela sait gen, mi laik tok olsem

75% long ol draiva husat i rejista long Madang na Mt Hagen i stap yet wantaim gutpela nem na i ken ron yet long kompe-

**Senis
kamap
long PNG
Rot Sefti**



Wantaim

Dr John Mua

Dr John Mua em Menesing Dairekta bilong Motor Vehicle Insurance Limited, husat i kamapim "Rot Sefti: Emi no wanpela Pilai" pablik aweanes kempein.

tisen wantaim tu gutpela 90% gutpela stori long ol PMV draiva long Is na Wes Nu Briten provins, na moa gutpela true m 99% gutpela mak bilong ol draiva long Is Sepik provins.

Em ol dispela PMV draiva husat i soim gutpela piksa o eksampel long ol narapela na dispela samting i mas stap oltaim long 'Rot Sefti – Em i No wanpela Pilai'toksave long go aut long olgeta hap bilong PNG. Dispela ol namba i soim olsem NRL Gren Fainol kompetisen i kamap gut tru na wantaim bikpela amamas long bel bilong mi, mi ken tok olsem mipela long MVIL bai kamapim wankain kompetisen long neks yia.

Toksave i go long ol arapela draiva husat i stap yet long kompetisen na ol narapela husat i traime, mipela i lainim yet ol samting na sans bilong yu bai kam gen.

MVIL tokaut long PMV draiva long go long NRL gren fainol

James Kila i raitim

MOTOR Vehicle Insurens Limited (MVIL) long aste nait i tokaut long nem bilong 15-pela PMV draiva husat i winim tiket long go lukim NRL Gren Fainol long Sidni, Australia.

Ol dispela laik wina e mol i bin stap insait long MVIL PMV draiva kompetisen we i stat long Mun Februari long dispela i kam inap long dispela mun Septemba. Dispela kompetisen i lukim ol sta ragbi lig pilaia bilong NRL olsem Neville Costigan, Paul Aiton, Wendell Sailor, Benji Mashall i helpim long promotim

Menesing Dairekta bilong MVIL, Dokta John Mua wantaim Jeneral Menesa-Maketing bilong Air Niugini, Colin Lyttie i mekim dro na kolim nem bilong dispela ol wina husat i kam long foapela rijen insait long kantri.

Ol dispela wina em Albert Homate (Goroka). Ruben Abraham (Goroka), Peko Nokue (Goroka) long Hailans rijen, Ronald Masit . Kelly Kapun na Michael Narakomia (Momase rijen) Paulus Makinta, Alphonse Tovili NGI na Martin Joe (Niugini Ailan rijen) Tom Paiua Kenneth Billian na Noga Vaea (Sauten rijen) na tripela narapela husat i win

long dro em Samuel Marum, Billy Kulunias na John Yautigi (NGI rijen).

Dokta Mua i tok em i amamas long olsem ol i surikim prais bilong 15-pela laki wina bilong dispela nupela MVIL PMV draiva kompetisen. sans long laip bilong dispela ol laki wina.

Bikpela tenkyu tru long gutpela sapot i go long MVIL 'Rot Sefti: Emi no Wanpela Pilai' kempein. Mi ken tokaut stret olsem Air Niugini nau i kamap olsem wanpela sponsa na bai bringim 22-pela lain grup, namel long ole m 15-pela ol draiva husat i win long go stap sampela moa de pastaim long NRL Gren

Fainol pilai. Ol dispela lain bai kamap long Sidni long Septemba 30 na kambek long Oktoba 2 bihain long ol lukim NRL Gren Fainol long ai bilong ol stret.

Em gutpela tru long dispela bikpela taim long lukim wanpela strongpela na bikpela kampani bilong yumi PNG, Air Niugini long givim risoses bilong en na tu givim sans long ol dispela lain husat pastaim ting olsem ol bai i no inap flai long balus i go ovasis. Air Niugini i gat gutpela tingting long helpim komyniti taim e mi givim gutpela sapot igo long 15-pela gras ruts kantri man bilong yumi. Wantaim dispela gutpela sapot mipela i ken nau mekim ol dispela draiva long kamap long Fonde long stat wantaim ol narapela lain long TV long NRL Footy Show. Mipela bilip olsem ol lain long Footy Show bai kisim piksa bilong ol long TV na soim na ol lain femili na wantok bilong ol long PNG na tu ol narapela lain long ovasis i ken lukim. Ol bai kamap olsem ol sta lain stret long TV.

Wanpela de bihain long Footy Show, na sapos wanpela tim bilong Sidni i go insait long fainol, ol dispela lain 15-pela draiva bai i gat sans long go lukim dispela tim i mekim trening bilong ol long Fraide nait. Ol bai ron long wanpela bas wantaim draiva long soim ol ples long Sidni Siti na tu stap olsem ol ges bilong Cronulla Sharks pilaia Paul Aiton long raun bilong ol. Neville Costigan bai raun wantaim ol dispela draiva tu sapot tim bilong em St GeorgeDragons i no go long Gren Fainol. Dispela mipela i no tingting planti tumas, na mipela pasim gut lak bilong mipela long Neville na Dragons insait long ol fainol pilai.



Air Niugini Maketing Menesa Colin Lyttie i ridim nem bilong ol wina. Poto: Nicky Bernard

Meri grup i karimaut wok long painim belgut na sekan

Veronica Hatutasi i raitim

PEACE o belgut na gutpela sindaun em samting we wol i laikim long go hetim gutpela sindaun, wok na laip.

Dispela em bikos tude stat yet long mak bilong famili, hauslain, wanpisin na komyuniti, planti samting i no stap stret. Namel long ol famili na hauslain memba i gat hevi na wankain long komyuniti na kantri. Na planti ol sosel hevi we kain sindaun bilong tude na ol nupela samting i kam insait olsem ol spakbrus, strongpela dring, ol jeneresen kalt we sampela skul pikinini save lotu long satan i bagarapim ol yangpela pipel husat bai lida bilong tumora.

Tasol em i no isi wok long kamapim belgut pasin bihain long sampela kain hevi i kamap. Em i save kisim taim, mani, ol lain i stap long hevi i mas redim ol yet long tok sori na sapos hevi i bikpela na tupela lain i no inap long stretim ol samting ol yet, i mas gat namel man i stap.

Wanpela mama grup bilong Pot Mosbi Angliken Daiosis i isi isi mekim ol wok long strongim pasin bilong kamapim na stap wantaim belgut pasin insait long famili na komyuniti. Dispela em long mekim PNG i wanpela gutpela ples we ol pikinini i bihainim gutpela pasin na givim luksave long ol papamama na ol narapela bikpela manmeri insait long komyuniti. Wankain tu long ol papamama i soim gutpela piksa na ol pikinini i ken lukim na kisim skul long ol.

Samting olsem 20 mama i stap insait long tripela "Peace Circle" grup. Mi noken lusim tingting, tasol wanpela papa tu i stap insait long grup. Ol i bilong ol kain kain lotu na ol i bilong olgeta hap bilong PNG. Namel long 8 na10-pela pipel i stap insait long wanpela Peace Circle grup.

Babu Badiguya em i presiden bilong Creators of Peace Proqram long PNG na em i stori long dispela grup bilong em i laik kamapim sampela gutpela senis long famili, komyuniti na sosaiti.

"Mama ogenaissen bilong mipela em, "Initiatives of Change", wanpela intenesenel ogenaissen bilong ol meri i kam long ol kain lotu, kantri, skin kala, wok na tokples.

Aninit long, "Initiatives of Change", ol i gat "Creators of Peace" proqram na aninit long em, dispela "Peace Circles" grup we ol mama grup long Mosbi i kam aninit long en," Misis Badiguya i tok.

Bipo long ol 1970's i kam inap long 1990's, grup i bin gat narapela nem we sampela pipel long PNG inap save long em. Em long Moral Re-armament. Tasol nau ol i senisim nem i go long Initiatives of Change.

Kodineta bilong grup, Rita Pearson, na narapela tripela meri lida, i bin sindaun long wanpela woksop long Australia sampela yia i go pinis. Na taim em i kam bek long PNG, em bin kirapim

pastaim long ol mama sios grup bilong em long Sen Martin's Angliken Sios long Boroko. Na isi isi, ol mama na wanpela man tu i wok long go insait long em.

Long 2008, samting olsem 15-pela mama long namba wan taim i bin go long wanpela bung long Sidni, Australia na stap wantaim moa long 200 ol meri bilong "Initiatives of Change" ogenaissen long wol bilong serim ol kain ekspiens ol i bungim long wok, sindaun na laip bilong ol, toktok na bungim ol tingting long ol samting ol i ken mekim long kamapim senis.

Misis Badiguya i tok 4-pela meri PNG i bin stap bek bihain long bikpela bung i pinis long Sidni na ol bin sindaun long lidasip kos we ol i kisim save long givim trening long ol narapela meri i laik go insait long "Peace Circles" grup. Em long Janet Evara, Meleka Dedeba, Rita Pearson na Babu Badiguya. Dispela 4-



PIS GRUP: Dispela em ol Peace Circles grup i bin sindaun long 6-pela wik woksop long Gerehu.

pela meri nau i karimaut ol wok trening long ol woksop bilong ol.

Wanpela taim insait long wanpela mun, ol grup memba i save bung long haus bilong wanpela memba na toktok long wok na wanem samting ol i mekim i sut long het tok "Peace Circles".

Long las wik Tunde Ogas 24, 9-epla meri na wanpela man i bin kisim setifiket bilong ol bihain long ol i pinisim 6-pela wik woksop bilong ol.

Gen, Misis Badiguya i stori.

"Dispela woksop em mipela i bin sindaun long wanpela de long wanpela wik long haus bilong mi long Gerehu long 6-pela wik.

"Mipela i bin glasim na skelim ol wan wan topik aninit long Peace Circles i karamapim "Inner Peace" o Yumi gat Belgut/ Belisi Insait long Yumi, Wanem samting i save Bagarapim Belisi/Belgut, Manmeri i save Kamapim Belgut i mas gat ol Wanem Kwaliti? Harim ol Narapela, Harim Yumi yet, Pawa bilong Pogivim Narapela na Mekim Belgut i Kamap", Misis Badiguya i tok.

Rita Pearson em Kodineta bilong grup

em ol meri i save bung long haus bilong em wanpela taim insait long wanpela mun long sea na toktok long ol wok go het ol inap long ol program bilong ol i gat ol dispela toktok.

"Long sampela, dispela em i namba wan taim long kam long bung. Tru, planti meri i harim save long wod "Peace," tasol long skruim i go moa olsem wanem samting tru em ol i lainim.

"PNG em i wanpela Kristen kantri, tasol ol wan wan man i gat ekspiens bilong ol long dispela. Salens em long harim nek i toktok insait long yumi wan wan em nek bilong Bikpela. Pis i mas stat pastaim long famili, ol neiba klostu na komyuniit. Long mi yet, mi lukim olsem long kisim namba wan step o samting mi mas wokim em long lukluk long stretim haus bilong mi yet pastaim.

"Long PNG, yumi no save pogivim narapela, tasol yumi save bekim rong

ol samting ol i save bungim na rot we ol i ken stretim. Tu, long bildim "trust" o luk-save long wanpela narapela na wanem samting ol i ken mekim wantaim long kamapim gut sindaun na laip bilong ol, ol famili na komyuniti bilong ol.

"Mipela bai go het long ol grup bung bilong mipela, tasol mipela i kisim sampela askim pinis long ol lain long Bogenvil na Milen Be provins long go holim woksop long ol bilong ol," Rita i tok.

Em i tok mani tasol em i wanpela hevi ol i gat long em.

"Tasol mipela i amamas olsem mipela i helpim long liklik wei bilong mipela long wok bilong kamapim pis o belgut na sekan pasin," Rita i tok.

Insait long 6-pela wik woksop, "The Power of Forgiveness" o pawa bilong pasin bilong lusim tingting asua we wanpela i wokim long narapela em ol i bin glasim na toktok planti long en.

"Pasin bilong lusim tingting long asua we wanpela i wokim long narapela i wanpela bikpela samting long kamapim pis, tasol long i no lusim tingting i save lokim lewa na i no gutpela. Yumi wan wan i gat pawa long lusim tingting long asua bilong narapela. Tasol dispela i mas kamap long tupela sait wantaim. Na i no wanpela sait tasol," Misis Badiguya i tok.

Long de bilong greduesen, grup i bin bruk long tupela grup na glasim pasin bilong lusim tingting asua bilong narapela, moa yet wantaim ol pikinin i insait long famili.

Tupela grup i lukim olsem em i no isipela samting long pogivim wanpela narapela na husat bait ok sori pastaim o askim long lusim tingting long asua bilong wanpela narapela.

I moabeta long singautim namel manmeri long stretim hevi o dispela man o meri husat i statim samting i mast ok sori pastaim, em wanpela long ol tingting i bin kamap long ol grup toktok.

Grup i bin autim tu olsem yumi mas gat belgut long haus na sapos yumi Kristen tru tru, yumi mas gat sekan na pasin bilong lusim tingting long asua narapela i wokim long yumi.

Peace Circle" o Pis Sekol em i ples we yu ken serim wantaim ol narapela arapela. Na harim narapela long ol hevi em i bikpela samting.

Ol salens i stap tasol yumi olsem grup i laikim stia. Narapela samting ol meri i laikim ol grup ol i stap long en bikos tru, ol kain salens i kamap long wanwan mama, famili na komyuniti. Na pasin bilong sindaun wantaim na serim bai helpim ol long gat belgut na painim rot bilong daunim hevi. Bung wantaim long wanpela wik o mun i save helpim tru ol meri long kisim strong long spiritual na fisikel sait.

Wantaim dispela setifiket, ol meri bai skruim wok bilong ol long ol liklik grup, famili na komyuniti ol i stap long en.

narapela i mekim long yumi. Dispela ol liklik samting olsem i wok long kilim stret kantri bilong yumi. Tasol sapos yumi ken wokim samting long stretim ol asua long haus yet bilong yumi long famili, em bai gutpela moa.

"Bung mipela i bin go las yia long en long Sidni, Australia em mipela i lainim planti samting long en. Ol meri i kam long olgeta hap bilong wol tasol samting i bin kamap long ples klia em strong bilong ol meri long sanap harim toktok insait long ol na bungim ol salens long mekim samting i kamap long laip na sindaun bilong ol.

"Bel gut pasin i mas stat pastaim long famili, ol lain i stap klostu na komyuniti. Long mi yet, mi mas kisim namba wan step o wokabaut na diuspela i mas stat long famili bilong mi yet.

"Proqram i salensim mi moa yet tasol woksop i olsem mipela i sea long ol samting i stap na kamap klostu long mipela na wanem samting yumi ken wokim insait long famili.

"As tingting long dispela proqram em long givim sans long ol meri long serim

LONG wokabaut bilong em i go long Rabaul, Is Nu Britan Provins long wok bilong Pasifik Patnasip 2010, HMAS Tobruk, sip bilong Nevi bilong Australia i kamap pinis long Mosbi long Tunde dispela wik.

Dispela sip i het opis bilong Patnasip 2010 program na dispela program em 6-pela kantri i stap long em.

Dispela yia Nevi bilong Amerika long Pasifik rijen i givim helpim long ol manmeri na dispela i gat tripela sip bilong Australia we wanpela bilong em HMAS Tobruk na narapela em Frigate USS Vandegrit bilong Amerika.

Ol sip i karim nevi bilong planti kantri olsem Amerika, Australia o Papua Niugini.

Long wokabaut bilong ol i mekim ol wok bilong dokta olsem sekim ol sik manmeri na givim marasin, enjiniaring na mekim ol jeneral komyuniti wok long Is Nu Britan Provins.

Pasifik Patnasip 2010 Misin Komanda, Kepten Lisa Franchetti bilong Amerika i tok stap insait long kain program na ek-sesais i gutpela we ol i lainim ol nupela samting.

"Tupela nevi bilong mipela i save wokbung gut tasol dispela em i namba wan taim we nevi bilong Amerika i mekim koman senta bilong em long sip bilong narapela kantri olsem Australia.

"Long ol opisa i lain hariap long wanpela na arapela i mekim ol samt-ing olsem i nogat wanpela senis i kamap," Kepten Franchetti i tok.

Komanding opisa bilong HMAS Tobruk, Komanda Paul Scott i tok: "Ol opisa bilong mipela bai wok bung gut wantaim ol opisa bilong PNG ami na ol arapela memba bilong Pasifik Patnasip 2010 program.

Mipela i amamas na luk-luk long kaikai em dispela program bai kamapim."

Eking Australia Hai Komisina long Papua Niugini, John Feakes; Embesada bilong Amerika long Papua Niugini, Teddy Taylor; Komanda bilong PNG Difens Fos, Brigidia-Jeneral Francis Agwi; Nesenel Kapitel Distrik Gavana, Powes Parkop; na ol arapela long Mosbi Fairfax Haba i amamas long bungim ol opisa kam sip i kam sua.

Narapela ol sip i go stret long Rabaul we misin bai stat long em long tumora Fraide, Septemba 3.



HMAS Tobruk anka long Lancron Base...

Ol Poto: Nicky Bernard



Baj bilong HMAS i go kisim ol deleget...



Ol deleget go antap long sip...




Hai komisina bilong US i bungim Pasifik Patnasip 2010 Misin Komanda, Kepten Lisa Franchetti bilong Amerika...

HMAS Tobruk kamap long PNG long wok bilong Pasifik Patnasip 2010



Ol wokmeri bilong HMAS Tobruk...



Gavana Powes Parkop bungim HMAS Tobruk, Komanda Paul Scott...



Pasifik Patnasip 2010 Misin Komanda, Kepten Lisa Franchetti bilong Amerika i mekim sampela toktok...



Wanpela duti opisa meri bilong HMAS Tobruk...



Ol opisa bilong stiaim sip putim was...



Ol off duti manmeri malolo na pilai kas...

RADIO AUSTRALIA TOK PISIN PROGRAM HARIM LONG: 101.9 FM	
6AM	Stesen Op - Nius Hetlain - Musik na ol intaviu
6.30AM	Nius na Karent Afes
7AM	Stesen Pas
7PM	Stesen Op
7.01PM	Ol Hetlain na Program Priviu
7.15PM	Spots
7.30PM	Nius na Karen Afeas
8PM	Helt
8.15PM	Musik
8.30PM	NIUS
8.40PM	Spots Riplei
8.55PM	Musik
9PM	Stesen Pas
TUNDE - <i>Moning - Nait</i>	
6AM	Stesen Op - Nius Hetlain - Musik na ol intaviu
6.30AM	Nius na Karent Afes
7AM	Stesen Pas
7PM	Stesen Op
7.01PM	Ol Hetlain na Program Priviu
7.15PM	Musik na Chit-Chat
7.30PM	Nius na Karen Afeas
8PM	Mama Graun
8.15PM	Musik/Spots
8.30PM	NIUS
8.40PM	Helt Riplei
8.55PM	Musik
9PM	Stesen Pas
TRINDE - <i>Moning - Nait</i>	
6AM	Stesen Op - Nius Hetlain - Musik na ol intaviu
6.30AM	Nius na Karent Afes
7AM	Stesen Pas
7PM	Stesen Op
7.01PM	Ol Hetlain na Program Priviu
7.15PM	Musik na Chit-Chat
7.30PM	Nius na Karen Afeas
8PM	Focus
8.15PM	Musik/Spots
8.30PM	NIUS
8.40PM	Mama Graun Riplei
8.55PM	Musik
9PM	Stesen Pas
FONDE - <i>Moning - Nait</i>	
6AM	Stesen Op - Nius Hetlain - Musik na ol intaviu
6.30AM	Nius na Karent Afes
7AM	Stesen Pas
7PM	Stesen Op
7.01PM	Ol Hetlain na Program Priviu
7.15PM	Musik na Chit-Chat
7.30PM	Nius na Karen Afeas
8PM	Youth
8.15PM	Musik/Spots
8.30PM	NIUS
8.40PM	Focus Riplei
8.55PM	Musik
9PM	Stesen Pas
FRAIDE - <i>Moning - Nait</i>	
6AM	Stesen Op - Nius Hetlain - Musik na ol intaviu
6.30AM	Nius na Karent Afes
7AM	Stesen Pas
7PM	Stesen Op
7.01PM	Ol Hetlain na Program Priviu
7.15PM	Musik na Chit-Chat
7.30PM	Nius na Karen Afeas
8PM	Wantok
8.15PM	Musik
8.30PM	NIUS
8.40PM	Youth Riplei
8.55PM	Musik
9PM	Stesen Pas
SARERE - <i>Nait</i>	
7PM	Stesen op - Ol Nius Hetlain/Program Priviu
7.05PM	Musik na Chit Chat
7.30PM	Nius
7.40PM	Wantok
8PM	Lokal Ben
8.30PM	Nius
8.40PM	Musik/Chit Chat
9PM	Stesen Pas
SANDE - <i>Nait</i>	
7PM	Stesen op - Ol Nius Hetlain/Program Priviu
7.05PM	Musik na Chit Chat
7.30PM	Nius
7.40PM	Femil Blong Serah (Radio Plei)
8PM	Lukluk Bek Long Wik
8.30PM	Nius
8.40PM	Musik/Chit Chat
9PM	Stesen Pas

Raun wantaim Wantok kru...

US Nevi Ben Kam Raun Gen Long Papua Niugini

Nicky Bernard i raitim.

OLGETA yia i save gat Patnasip namel long ol ami bilong yumi Papua Niugini na ol narapela kantri, olsem Australia, Amerika, Japan, Saina na sampela moa.

Long yia i go pinis wanpela bikpela sip bi-long Amerika ol kolim Mesi i kam sua long bris bilong Mosbi na helpim long mekim planti bikpela wok olsem haus sik, skul na tu givim sampela skul long sampela hap, insait long dispela sip tu i gat ben bilong em, ol save pilai long welkamim ol bikman meri ol go long ol skul long pilai na soim ol long musik.

Dispela yia, wanpela sip bilong ol Australia Nevi i kam na bai go na join wantaim sip bi-long Amerika long Rabaul, Is Nu Briten Provins, dispela tupela sip bai wok bung wantaim ol ami bilong yumi PNG long mekim ol haus sik na skul long hap.

Insait long dispela sip bilong ol Australia i gat ol Nevi ben bilong ol Amerika husat i joinim ol long kam long Papua Niugini, dispela nevi ben bai pilai long sampela hap long Rabaul, olsem ol skul haus sik na sampela pablik hap.

Dispela Nevi ben save bihainim ol Nevi sip long ol partnership wok namel long kantri, nau em liklik grup tasol i kam wantaim ol liklik samting bilong pilai, long yia i go pinis bikpela grup i kam wantaim planti samting bilong pilai we ol bin join wantaim polis ben bilong yumi Papua Niugini na pilai raun long Mosbi siti.

93FM

YUMIFM

National Weekly Hit Parade:

Sponsor: Digicel – bigger, better network

Produced & Host by: Kas.T

Satistics: Falaig Sophie & Poroman Crew

Week Ending: Saturday – 04th August 2010

Week Before	Last Week	This Week	Charting Song:	Artist:
1	1	1(15)	Olema	Reggie
2	2	2(4)	Love Struck	Jokema
3	3	3(4)	First Time	Loose fruits
4	4	4(4)	Zauku	Reggie
5	5	5(5)	Ride	Sharzy ft Delah
7	6	6	No Melo Vele	Reggie
8(3)	7	7	Resa Mama	Jokers 21
9	8	8	Mix Enga Province	Choke Band
10(3)	9	9	Gaf'e'dom gal mere	Cool C
11	10	10	Boma lalogu kekeni	Pomeitis of Gailala
12	15	11	Ayalavi Thuo	Vignuts
14	13	12	Lus Iain	DJ AAR
17	14	13	Harris	Dassel Mystics
18	12	14	Lewa	Chris Stone ft Nathan Nakikos
12	11	15	Dia Naman	Sesehadeni
15	16	16	Gutsonit	Chris Stone ft Nathan Nakikos
16	17	17	Ese Mori	Brixie
18	18	18	Abot	Choking Band
19	19	19	Pilastar	Irapens Band
19	20	20	Morobean Girl	DJ AAR

	Song:	In:	Abot Pilastar	Choking Band
	Song:	Ont:	Digicel Flava Firelight	Irapens Band Test Run Band Pyjamas Band

KUKIM: US Nevi ben kilim skim long musik bilong ol HMAS Tobruk long Tunde dispela wik.

1003

<u>FONDE, SEPTEMBER 2 2010</u>	5.30PM	G	WHO WANTS TO BE A MILLIONAIRE - HOT SEAT	10.10am - Grade 7 Science 11.00am - Grade 8 Mathematics 11.50am - Grade 8 Science 12.40pm - Grade 6 Mathematics 1.30pm - Grade 6 Science 2.30PM - DEPI Training	9.30PM G <u>FRIDAY NIGHT LATE</u> FOOTBALL: 12.00AM G NATIONAL EMTV NEWS REPLAY 12.30AM Australia Network	11.30PM G NATIONAL EMTV NEWS REPLAY 12.00AM Australia Network
4.59AM STATION OPEN						
5.00AM G JOYCE MEYER Religious program	6:00PM	G	NATIONAL EMTV NEWS	12.40pm - Grade 6 Mathematics		
5.30AM G TODAY	6.30PM	G	A CURRENT AFFAIR	1.30pm - Grade 6 Science		
9.00AM <u>EMTV PRIME TIME LINEUP</u>	7.00PM	G	SPORTS SCENE	2.30PM - DEPI Training		<u>SANDE, SEPTEMBER 5 2010</u>
<u>CLASSROOM BROADCAST</u>	7.27PM	G	EMTV TOK SAVE	<u>KIDS KONA</u>	<u>SARERE, SEPTEMBER 4 2010</u>	6.29AM STATION OPEN
9.20am - Grade 7 Mathematics	7.30PM	G	RAIT MUSIK	3.00PM G G2G: GOT TO GO		6.30AM G IT IS WRITTEN:
10.10am - Grade 7 Science	8.30PM	PG	ELITE MUSIC ZONE	3.30PM G THE KINGDOM OF PARAMITHI	11.59PM STATION OPEN	7.00AM G HILLSONG
11.00am - Grade 8 Mathematics	9.00PM	PG	CUSTOMS	4.00PM G PARALLAX	2.00PM PG CUSTOMS	7.30AM Australia Network
11.50am - Grade 8 Science	9.30PM	M	FOOTY SHOW	4.30PM G THE SHAK	2.30PM G <u>SUPER LEAGUE</u>	9.59AM <u>STATION RE-OPEN</u>
12.40pm - Grade 6 Mathematics	10.30PM	G	NATIONAL EMTV NEWS REPLAY	4.57PM G EMTV TOK SAVE	<u>LEEDS v ST HELEN</u>	10.00AM G WIDE WORLD OF SPORTS
1.30pm - Grade 6 Science	11.00PM		Australia Network	5.00PM G HOT SOURCE	4.30pm PG RED BULL AIR RACE	
2.30PM - DEPI Training				5.29PM G EMTV NEWS UPDATE	5.30PM G MXTV	11.00AM G SUNDAY FOOTY SHOW
<u>KIDS KONA</u>	<u>FRAIDE, SEPTEMBER 3 2010</u>			5.30PM G WHO WANTS TO BE A MILLIONAIRE - HOT SEAT	6.00PM G NATIONAL EMTV NEWS	12.00PM G SUNDAY ROAST
3.00PM G MAGICAL TALES	4.59AM		STATION OPEN	6.00PM G CRIME STOPPERS	6.30PM PG AUSTRALIA'S FUNNIEST HOME VIDEO SHOW	1.00PM PG CUSTOMS
3.30PM G THE KINGDOM OF PARAMITHI	5.00AM	G	JOYCE MEYER: <i>Enjoying Every Day Life</i>	6.30PM G A CURRENT AFFAIR	7.30PM G IN MORESBY TONIGHT	2.00PM G <u>SUPER LEAGUE</u>
4.00PM G PARALLAX	5.30AM	G	TODAY	7.00PM G TOP SOIL	8.00PM PG <u>SURVIVOR: HEROES vs. VILLAINS</u>	4.00PM G <u>SUNDAY FOOTBALL</u>
4.30PM G THE SHAK	9.00AM	<u>EMTV PRIME TIME LINEUP</u>		7.30PM G <u>FRIDAY NIGHT FOOT-BALL</u>	9.00PM PG BROTHERS & SISTERS	6.00PM G NATIONAL EMTV NEWS
4.57PM G EMTV TOK SAVE	<u>CLASSROOM BROADCAST</u>				10.00PM PG 20 TO 1: <i>Celebrity Hook Ups</i>	6.30PM G LOVE PATROL
5.00PM G HOT SOURCE	9.20am - Grade 7 Mathematics				11.00PM PG ELITE MUSIC ZONE	7.00PM G YUMI LUKAUTIM MOSBI
5.29PM G EMTV NEWS UPDATE						7.30PM G 60 MINUTES

TORO



BIABIA



KANAGE



TOKWIN

Planti dai nau long Friwei rot...

Wanpela man i dai long friwei rot long bikmoning bilong asde. Tok i go olsem wanpela sekuriti bas i ron spid tru i kam daun long friwei rot na bamim turangu lapun husat i wok long eksasais olgeta bik moning long dai bilong long asde. Polis o NCDC mas nau mekim wanpela strongpela lo long olgeta kar husat i yusim dispela friwei mas draiv isi o bai ol i kisim kot fain. Ating long dispela wei bai yumi daunim planti eksiden i wok long kamap long friwei.

Plis stopim dispela pasin long kilim dai man o meri long pasin sanguma nating...

Ripot i tok olsem wanpela mama i bin dai long han bilong birua nating long wanem ol i ting em i mekim pasin sanguma long wanpela yanpela boi long Hagen na boi i dai. Ripot i tok, boi yah i no bekim ten kina dinau long lapun mama na tupela i kros. Long nait boi i pilim sik long bel na i dai. Ol haulain bilong boi i kirap na go painim lapun meri yah na holim pasim na kilim em dai. Man bilong meri wantaim pikinini i ronawe long wanem ol i pret nogut ol i dai tu long han bilong ol dipela birua. Polis mas mekim wanpela strongpela wokpainimaut na

kisim ol dispela lain givim strongpela mekimsave long ol. PNG i gat kot sistem we husat i mekim asua mas sanap long ai bilong kot na kot i ken skelim. Pasim bilong kisim laip bilong narapela o meri i soim PNG i stap long pasin tumbuna yet. Dispela kain pasin tasol traibol pait i save kamap na planti moa manmeri bai dai gen!!!

Kilim het tisa, pikinini bai kisim save we?

Long Enga ol birua bilong narapela ples i kilim dai wanpela het tisa bilong wanpela skul long hap. Tisa i save lainim ol pikinini bilong yu long kisim save long rit na rait, na bai ol kamap fiutsa lida bilong yumi.

Tokwin Tasol...

G	S	B	Z	E	T	R	G	F	U	R	P	O	D	S	Y	W
R	P	U	L	I	M	B	A	L	O	F	U	M	N	R	R	I
O	T	L	D	G	H	J	K	L	A	W	S	T	I	K	E	N
P	Y	I	Q	W	G	O	L	I	E	T	E	D	I	I	W	G
W	I	O	P	G	H	K	L	T	C	X	Z	T	Y	B	Q	A
F	R	I	H	I	T	Q	B	E	K	S	X	J	S	E	A	M
Q	F	U	J	R	B	O	W	P	K	A	W	F	Y	K	A	L
R	F	W	K	G	U	P	D	N	E	U	R	I	N	S	U	B
T	C	H	I	I	O	T	I	S	P	I	T	S	M	T	Y	P
V	B	E	I	I	K	L	X	O	K	C	S	V	L	I	U	L
S	I	Q	R	T	J	I	K	O	I	F	L	I	K	K	P	I
D	W	S	E	M	A	Y	N	I	H	C	O	T	E	X	R	P
S	F	I	A	J	F	U	P	G	P	D	I	L	E	S	L	R
G	J	Y	P	N	I	A	T	S	B	A	U	A	Y	J	O	E
J	U	S	W	A	U	I	O	P	E	U	N	N	B	V	K	T
I	K	L	S	F	U	I	P	O	D	R	K	E	C	X	A	M
I	N	A	C	I	O	F	S	A	I	T	U	P	Y	L	T	K

Painim ol toktok bilong spot Hoki

PULIM BAL	BULI	FRI HIT	GOLI
GOLKIPA	HITAUT	INA	LINKS
OFSAIT	PENALTI	PITS	PUS
STIK	SKUP	TAKOL	SWIPA
WINGA	BEKSTIK	LEK BAL	FLIK
BAL	FOWET	BEKS	KIKINGBEK

	9		1	2		7	
				3			
			9	8		5	1
9	3	7	2		8		6
4		5	6		8	7	2
8		2			7	1	4
6	5	9		1	2		
			7				
	7			6	5		2

4	5	1	2	8	7	9	3	6
7	9	8	3	6	1	4	5	2
3	2	6	4	5	9	8	7	1
2	8	7	9	1	5	3	6	4
9	1	5	6	3	4	7	2	8
6	4	3	7	2	8	1	9	5
8	6	4	5	7	3	2	1	9
1	3	2	8	9	6	5	4	7
5	7	9	1	4	2	6	8	3

Ansa bilong las wik Sudoku

Ansa bilong las wik Pasol

A	B	O	K	S	I	N	G	F	B	E	L	O	P	N
M						W	A	B					L	R
			A				E	U	O	R	E	O	K	
		F	E	T	A	W	E	T	L	K	A	P	M	I
					A				T	S	U	H	O	M
R	E	F	E	R	I			K	O	S	A	N	U	T
									W			K	A	U
T	B	A	N	T	A	M	W	E	T			E		T
U			R	A	I	T	H	U	K			T	F	
A					K		H							L
K			E		M	I	D	E	L	W	E	T	P	A
O	L							V					O	I
N	S				P	V		I				I	W	W
						A				W	N	N	E	T
B	A	U	T		L	N				E	E		T	I
					G				S	R		T		A
D	R	O			A	P	A	K	A	T		R	I	N

EMTV Television Guide

8.30PM PG SUNDAY NIGHT MOVIE:	4.00PM G THE PYRAMID	4.59AM STATION OPEN	6.30PM G A CURRENT AFFAIR	2.30PM - DEPI Training
10.30PM G HILLSONG	4.30PM G THE SHAK	5.00AM G JOYCE MEYER	7.00PM G HAUS & HOME	3.00PM G KIDS KONA
11.00PM G NATIONAL EMTV NEWS REPLAY	4.57PM G EMTV TOK SAVE	5.00AM G Religious program	7.57PM G EMTV TOK SAVE	3.30PM G MAGICAL TALES
11.30PM Australia Network	5.00PM G HOT SOURCE	5.30AM G TODAY	8.00PM PG BROTHERS & SISTERS	4.00PM G HI-5
MANDE, SEPTEMBER 6 2010	5.29PM G EMTV NEWS UPDATE	9.00AM EMTV PRIME TIME LINEUP	9.00PM G SUPER LEAGUE	4.30PM G THE PYRAMID
	5.30PM G WHO WANTS TO BE A MILLIONAIRE - HOT SEAT	CLASSROOM BROADCAST	(teams: tba)	4.57PM G THE SHAK
		9.20am - Grade 7 Mathematics	11.00PM G EMTV NEWS REPLAY	5.00PM G EMTV TOK SAVE
		10.10am - Grade 7 Science	11.30PM AUSTRALIA NETWORK	5.29PM G EMTV NEWS UPDATE
		11.00am - Grade 8 Mathematics		5.30PM G WHO WANTS TO BE A MILLIONAIRE - HOT SEAT
		11.50am - Grade 8 Science	TRINDE, SEPTEMBER 8 2010	5.55PM CRIME STOPPERS
		12.40pm - Grade 6 Mathematics		6.00PM G NATIONAL EMTV NEWS
		1.30pm - Grade 6 Science		6.30PM G A CURRENT AFFAIR
		2.30PM - DEPI Training		7.00PM PG THE WORLD AROUND US
		KIDS KONA		
4.59AM STATION OPEN	5.55PM CRIME STOPPERS	3.00PM G MAGICAL TALES	4.59AM STATION OPEN	5.55PM CRIME STOPPERS
5.00AM G JOYCE MEYER	6.00PM G NATIONAL EMTV NEWS	3.30PM G HI-5	5.00AM G JOYCE MEYER	6.00PM G NATIONAL EMTV NEWS
5.30AM G TODAY	6.30PM G A CURRENT AFFAIR	4.00PM G THE PYRAMID	5.00AM G Religious program	6.30PM G A CURRENT AFFAIR
9.00AM EMTV PRIME TIME LINEUP	7.00PM G TOK PIKSA	4.30PM G THE SHAK	5.30AM G TODAY	7.00PM PG THE WORLD AROUND US
CLASSROOM BROADCAST	7.27PM EMTV TOK SAVE	4.57PM G EMTV TOK SAVE	9.00AM EMTV PRIME TIME LINEUP	7.57PM EMTV TOK SAVE
9.20am - Grade 7 Mathematics	7.30PM PG THE FARMER WANTS A WIFE (NEW SERIES)	5.00PM G HOT SOURCE	CLASSROOM BROADCAST	8.00PM M 24
10.10am - Grade 7 Science	8.30PM G KINGAL MINISTRIES	5.29PM G EMTV NEWS UPDATE	9.20am - Grade 7 Mathematics	9.00PM M WEDNESDAY NIGHT MOVIE:
11.00am - Grade 8 Mathematics	9.00PM G SUPER LEAGUE	5.30PM G WHO WANTS TO BE A MILLIONAIRE - HOT SEAT	10.10am - Grade 7 Science	11.00PM G NATIONAL EMTV NEWS REPLAY
11.50am - Grade 8 Science		6.00PM G NATIONAL EMTV NEWS	11.00am - Grade 8 Science	11.30PM AUSTRALIA NETWORK
12.40pm - Grade 6 Mathematics			11.50am - Grade 8 Science	
1.30pm - Grade 6 Science			12.40pm - Grade 6 Mathematics	
2.30PM - DEPI Training			1.30pm - Grade 6 Science	
KIDS KONA				
3.00PM G MAGICAL TALES				
3.30PM G HI-5				

Raun wantaim Kanage olgeta wik

Sanap silip

KANAGE save wok long wanpela sekyuriti kampani, em save wok long nait i go tulait. Wanpela potnait em kisim mani bilong em na ron i go long wanpela nait klab. Em baim bia na dring i go na spak nogut tru. Em i sanap long ba na baim bia na skelim musik i stap.

I no long taim, musik i kam gut tru, na ai bilong Kanage i pas. Em i sanap silip i go longpela taim tru, na ol manmeri i ting em i sanap harim musik i stap.

Ol i kirap nogut taim Kanage i pun-daun long flua na pinisim gut silip bilong em.

Toktok i popaia

KANAGE wantaim ol pikinini na mama bilong ol i wok long kukim kaikai. Taim kaikai redi, Kanage skelim long olgeta famili pinis bihain em pre na skelim kaikai. I no long taim na las sista bilong misis bilong paps yet i kam kamap long haus. Kanage lukim meri ya na tok olsem, haiyo tambu meri, laki bilong yu na yu kam leit. Sapos yu kam eli liklik bai yu kaikai stret bikos nau yet mi sutim bilong mama na pikinini pinis na ol i stap, meri yah hairm tok pisin i no kam gut liklik, na wanpela kain sem i kilim em wansait.

Em AIDS Ya

KANAGE em bilong Tari na em wan-



pela drag bodi we i save pulim planti drag na raun tumas long strit. Wanpela taim ol dokta i kam sekim blut bilong ol man na meri long ples. Kanage tu i go na sekim blut bilong em. Taim dokta sekim blut bilong em pinis na dokta tokim Kanage "yu HIV positive".

Taim kanage i harim dispela, em kalap kalap, lap na wail tru. Dokta i lukim dispela na i askim Kanage, olsem wanem!! Kanage bekim, mi amamas tru, bikos laki olsem mi no kisim kolera.

Kanage ekting Jisas

TAIM bilong bikipela lotu bung na, Kanage save kisim ol skwat bilong em na go pilai drama. Wanpela taim em taim bilong opim nupela haus lotu na Kanage redi wantaim ol skwat bilong em na i go long ples bung. Taim bilong Kanage na ol skwat bilong em i go na pilai. Kanage i kamap Jisas, sampela i kamap ol soldia bilong rom, na sampela em ol manmeri bilong kraud, na wanpela em Ponsias Pilot. Taim ol i kisim Kanage i kam long Pilot, Pilot painim nogat rong na salim em i go fri, ol man i ekt olsem romen soldia i kisim em go na paitim

em na karim em i go. Taim Kanage i pilim pen, em bai tok; Lord mi pogivim ol na pen bilong mi mi lusim long han bilong yu. Ol kisim rop i gat nil na taitim long het bilong em strong, ol i givim kruse long em long karim na paitim em i go long rot na tripela meri i kam krai na em tokim ol, yupela noken, pasim maus bilong yupela na go long haus. Taim ol i go kamap long maunten, ol lapun meri singaut i kam, krusifaim em, ol lapun singaut kilim em na ol yangpela singaut "one kowime". Ol soldia i kisim siks ins nil na wanpela longpela spia na kam long krusifaim em. Em kirap na tokim soldia, yupela rausim nil rop long het bilong mi na mi komitim mi yet pastaim. Ol ting tru na karim em i go long aninit long diwai na pre long bikman.

G. Russel
Tabubil

Ol skwat!

Salim ol gutpela Kanage

tok pilai i kam long:

Kanage Tok Pilai

P.O. Box 1982,

Boroko, NCD

Port Moresby.

Email: atolire@wantok.com.pg

Mi belhat long pikinini meri gat bel taim em i sumatin yet

Dia Laiplain,

MI wanpela papa husat i laik tru long sindaun wantaim bel isi. Mi lakim meri na pikinini bilong mi na ol rispektim mi tu.

Mipela olgeta em ol Kristen. Namba wan pikinini meri i wokim Gred 12 long dispela yia. Nau yet, em i no luk amamas olsem pastaim we em i meri bilong amamas planti.

Mi kirap nogut taim meri bilong mi i tokim mi olsem pikinini meri bilong mitupela i gat bel na em i tripela mun nau.

Mi belhat nogut tru. Mi paul na bel hevi na lewa bilong mi i kirap long man husat givim em bel. Mi no laik toktok wantaim meri bilong mi tu. Mi no go long tupela lotu sevis long Sande nau na mi no save bai mi wokim wanem.

Wanem samting i kamap long bagarapim pen na hevi mi pilim long peim skul fi bilong em? Bai mi toktok wantaim ol tisa bilong em olsem wanem? Ol bai tok wanem? Olsem wanem long dispela bebi we i nogat papa na husat bai lukautim em? Olgeta driman long pikinini meri bilong mi long kisim gutpela edukesen na kisim gutpela wok i go nating.

Plis Laiplain, helpim mi.

Kros, paul na papa husat i wari Dia Pren,

Mipela sore long harim hevi bilong yu we famili bilong i klostu bruk. Yu tokim mipela olsem pikinini meri bilong yu i Gred 12 sumatin na i gat bel.

Yu pilim belhat, paul na yu wari bikos yu gat wari long pikinini meri bilong yu. Sapos yu nogat wari, yu bai no inap pilim dispela kain ol pilings.

Mipela ting save long bel hat yu gat



tasol yu wok long autim pinis dispela bel hat long meri na pikinini meri bilong yu.

Yu gat bikipela kros stret wantaim man husat i givim bel long pikinini bilong yu, Na ol driman long em go long yunivesiti o kolis na kisim gutpela wok bihain i lus nating.

Yu wari long wanem samting yu bai tokim ol tisa bilong pikinini meri na wanem kain bekim ol bai givim yu.

Mipela luksave long wei yu pilim nau bikos ol piling bilong yu i paul na bagarap.

Mipela prea Bikipela Papa bilong yumi i stap wantaim yu long dispela taim bilong traim bikos toktok bilong Em i tok, Em bai no inap lusim mipela o lus tingting long mipela.

Yumi olsem Kristen bai bungim ol kain kain taim bilong traim na dispela ol taim i bringim mipela moa klostu na kamapim strongim bilip bilong mipela wantaim God. Wanem kain hevi yu gat, mipela strongim yu long bungim ol hevi wantaim Lav bilong God. Taim yu wokim dispela, bel isi bilong God bai stap insait yu.

Traim long askim meri bilong yu long em painim aut long pikinini meri husat i papa bilong dispela bebi na bihain yu ken toktok wantaim tupela (mama na pikinini).

Yu wantaim meri bilong yu i ken makim taim long go lukim tisa na het tisa bilong em long stretim rot long pikinini meri bilong yu go het wantaim edukesen bilong em long taim bihain. Tinigm, taim yu stap laip yet, yu bai i

no inap pinis long lainim ol samting inap yu dai.

Olgeta pikinini i gat rait long stap laip, long kisim lav long mama papa bilong en, long go long skul, long gat gutpela helt na long gat haus na kaikai olsem i tok aninit long lo.

Traim long toktok wantaim ol tisa bilong em na bihain em i karim pikinini, em i ken go bek long skul. Mipela laik strongim yu long tingting strong na bungim ol traimwantaim Lav bilong Bikipela God.

Askim ol pasto na elda long sios long sapotim yu wantaim prea bilong ol na tu, sanap wantaim yu na pre.

Putim bilip bilong yu long God bikos taim God i stap insait laip bilong yu, em bai larim yu bungim hevi wantaim strong na gutpela tingting we bai holim famili bilong yu wantaim.

Tingim, olgeta de i gat hevi bilong em yet. I gat planti papa mama husat i bungim wankain hevi olsem yu gat long olgeta hap bilong kantri.

Mipela i strongim yu long holim strong bilip bilong yu wantaim olgeta strong insait long lewa bilong yu na wantaim Save bilong God bai givim stia long yu long stretim dispela hevi wantaim bikipela moa save, kea na lav (Proverbs Septa 3, Ves 5-6).

Laiplain.

Sapos yu gat wari, rait i kam long Lifeline, P O Box 6047, Boroko, NCD. Telipon:3260011. Raitim trupela nem na etres bilong yu na bai mipela i ken salim bekim long pas bilong yu. Bai mipela i no inap putim trupela nem bilong yu long stori.

Laiplain



NEM: Elsie Gunarang

KRISMAS: 26 (meri)

ADRES: C/- June Micka, Kokopo Court House, P.O Box 381, Kokopo, ENB Province

SAVE LAIKIM: Raun raun, harim musik, danis, tok pilai, mekim pren, ritim Baibel na mekim pani.

NEM: Bradley Lowi Jr

KRISMAS: 20 (man)

ADRES: C/- Romei Aidpost, Aitape District, Health Office, P.O Box 13, Aitape, Sandaun province

SAVE LAIKIM: Pilai soka, volibol, lukim TV, mekim pren, mekim pani, na harim musik.

NEM: Smith Ben

KRISMAS: 19 (man)

ADRES: C/- Jacob Worin, Kiunga Catholic Church, P.O Box 42, Kiunga, Western Province

SAVE LAIKIM: Lukim TV, harim musik, mekim pren, na raitim pas

NEM: Lirry Kahy

KRISMAS: 28 (man)

ADRES: Kukia SDA Primary School, P.O Box 743, Gordons.

SAVE LAIKIM: Raitim pas, go lotu, mekim pren na tok pilai.

NEM: Steven Tobias

KRISMAS: 20 (man)

ADRES: Kanabea Catholic Mission, PMB, Kanabea, Lae, Morobe province

SAVE LAIKIM: Pilai soka, volibol, basketbol, ritim buk na niuspepa, na kuk.

NEM: Luanne Akut

KRISMAS: 19 (meri)

ADRES: PO Box 102, Wewak, East Sepik Province

SAVE LAIKIM: Raitim pas, pilai basketbol, harim musik na ritim buk.

NEM: Kamiva Hosea Sapul

KRISMAS: 26 (Man)

ADRES: PO Box 636, Beon Road, Madang

SAVE LAIKIM: Raitim pas, lukim TV, piknik long nambis, pilai spot na go lotu

NEM: David Jason

KRISMAS: 19 (man)

ADRES: C/- Yonet Asuneng, PO Box 292, Tabubil, Western Province

SAVE LAIKIM: Pilai spot, harim musik na raun lukim ol ples.

NEM: Raymond Duatna

KRISMAS: 25 (man)

ADRESS: PO Box 149, Goroka, Eastern Highlands Province

SAVE LAIKIM: Brukim paiawut, wok long bus, wokim gaden na stori.

NEM: Ken Tom

KRISMAS: 24 (man)

ADRES: Pekai Contractors, PO Box 901, Mt. Hagen, WHP

SAVE LAIKIM: Mekim pren, mekim fani, go lotu na pilai ol spot

Amamas long DSTP kibung: Pundari

GAVMAN bilong Papua Niugini i amamas long gutpela kamap bilong kibung bilong ol toktok bilong tromoi ol pipia bilong main i go daun long solwara (DSTP).

Kibung i lukim Minista bilong Maining John Pundari wantaim sampela memba bilong Madang olsem Midel Ramu Memba na Minista bilong Piseris, Gavana bilong Madang, Se Arnold Amet, ol opisa bilong Envaironmen na Konsevesen na Maining na Provinsel Gavman wantaim wokman bilong Ramu Nickel Maining kampani.

Kibung i kamap long Divain Wod Yunivesiti long Madang long Fonde 26 Ogas, 2010.

Dispela mak i gutpela na save i stap bilong ol manmeri i ken stretim hevi na wari bilong ol.

Bikos wanwan ol manmeri i kamap na harim na tokaut long tingting bilong ol Mista Pundari i tok dispela i soim ol manmeri i redi long stretim ol hevi.

Em i tok maski ol toktok bilong Ramu Main i stap bipo long Nesenel Kot long Waigani, ol manmeri i save long wanem samting ol bai toktok long em na i no kamapim ol kain toktok we bai paulim tingting bilong kot.

Tasol Pundari i no amamas long toktok bilong ol papagraun olsem envaironmen plen bilong Ramu Nickel Main bai gat bagarap long



WET YET:

Refaineri plent bilong Ramu Nickel Maining kampani long Basamuk Be, Madang.

solwara na laip i stap aninit long solwara.

Em i tok tingting bilong kamap DSTP i bihainim stadi em Neturel Sistems Risets, biknem Australia

envaironmen konsaltensi kampani i mekim.

Dipatmen bilong Envaironmen na Konsevesen (DEC) i lukim na tok orait long plen long 1999.

Bihainim dispela stadi DEC askim ol arapela grup olsem Skotis Asosiesen bilong Marin Saienses (SAMS) bilong Skotlen long mekim stadi bilong ol.

Dispela i wankain long kamap bi-

long Luteran Sios saiens ripot.

Pundari i tok sapos ol papagraun i gat hevi long envaironmen plen bilong kampani orait ol i mas skelim gut wok stadi bilong ol dispela grup.

"Mifala lo hia nau" bemobail tokaut long lonsing bilong nupela netwok bilong em long Solomon Ailans

OL manmeri long Solomon Ailans nau i gat Bimobail telepon sevis bihain long kampani i lonsim netwok bilong em long kantri long dispela wik Mande 30 Ogas, 2010.

Go bilong kampani bai nau i lukim ol manmeri skelim laikim bilong ol long wanem telepon sevis ol i laik yusim.

"Long namba wan taim bai gat resis long telepon netwok long kantri.

"Mipela i amamas long wanem bimobail i telepon kampani long Papua Niugini, wanpela Melanesia Spiahet Grup kantri.

"Mipela i bilong bimobail i gat olgeta samting we i makim MSG na i gat ol samting bilong wok bisnis olsem invesmen, tred na developmen.

"I bin gat planti toktok i kamap long nius long kain sevis kampani i save givim na long tingting bilong em long kamapim sevis long Solomon Ailans.

"Long olgeta hap mipela i wok-about long ol manmeri long dispela gutpela ailan i askim mipela long 'wanem yupela bai kam' na oltaim mipela i save bekim 'long liklik taim tasol.'

"Na olsem bekim bilong mipela nau em i olsem 'mifala lo hia nau,'



KAMAPIM WOK: Anthony Smare, bod siaman bilong Bemobail telepon kampani. Nau Bemobail i opim long SolomonAilan. *Fail poto*

Michael Ah Koy, bimobail SI Ltd's, sif eksekutiv opisa i tok.

Mista Koy i tok long lonsing bimobail netwok bai kamap komyunikesen sevis bilong em i go long 28 pesen bilong populesen long Solomon Ailans long Guadalcanal, Malaita na Westen Provins.

Bihain long dispela em surukim sevis bilong em i go long 80 pesen

i go long ol arapela hap bilong kantri.

"Tingting bilong mipela em long givim sevis bilong mipela i go long ol manmeri bilong Solomon Ailans we sevis bilong em i gutpela na kos bilong em i daunbilo.

"Mipela i mas investim SB\$200 milion long lukim olsem netwok bilong mipela i wok gut," Koy i tok.

Toyota Hino ka i go pas long maket

TOYOTA Hino ka i strongim wok bisnis bilong Ela Motos long Papua Niugini.

Dispela long planti bisnis long kantri i wok long baim Hino ka.

Kampani i tok long las 8-pela mun namba bilong ol Hino ka Ela Motos i salim i abrusim namba bilong ol Hino ka em i salim bilong olgeta bilong 2009.

Long pinis bilong Ogas, 2010, kampani i salim 189 yunit we long olgeta bilong 2009 em i salim 182.

"Namba bilong ol manmeri i baim ol ka i wok long go antap na dispela i no mekim bel bilong mipela i kirap nogut taim mipela i lukim namba bilong ol Hino ka i go antap.

"Dispela long wanem planti ol kampani we wok bilong ol i pas wantaim PNG Likwuifaid Neturel Ges i laikim ol strongpela ka olsem Hino.

"Mipela i amamas long Hino model em ol manmeri na ol kampani i luksave olsem em i ka ol i mas gat long mekim ol strongpela wok," David Lowe, Nesenel Trak na Ikwuipmen Menesa bilong Ela Motos it ok.

Ol Hino ka ol bisnis haus i baim planti em Hino 300 na Hevi Duti 700.

Hino i wanpela ka we taim ples i hat long ol ka i go em bai go.

Ela Motos i stat long salim Hino ka long 1976.

Nau yet i gat ol Hino ka olse Hino 300 we i gat hevi bilong 2,500 kilogram i go long 4,100 kilogram, Hino 500 we i gat hevi long 6000 kilogram i go long 10,000 kilogram na Hino 700 we i gat hevi bilong 16,000 kilogram i go long 22,000 kilogram.

I gat ol Hino ka olsem tipa bodi, dam trak na praim muva.

Nupela trakta long helpim ol Kainantu fama na katim gras long taun

James Kila i raitim

GETWEI taun bilong Hailan rijen, Kainantu long Isten Hailans provins nau i gat nupela trakta long mekim wok long katim gras long taun na tu long helpim ol lokal fama long ples long brukim graun long wokim gaden bilong ol.

Memba bilong Kainantu na Siaman bilong Join Distrik Plen-ing na Baset Praioriti Komiti, Sailon Beseo, long las wik Sande i givim dispela nupela trakta na ol arapela tuls bilong mekim wok i go long han bilong Kainantu Distrik Edministreta, Ako Onise.

Mista Beseo i yusim K150,000 bilong Distrik Sevis Impruvmen Progem (DSIP) em mani i go long Kainantu long baim dispela nupela masin.

Dispela nupela trakta i gat treila, wanpela bleid bilong



Kainantu MP Sailon Beseo i givim ki bilong nupela trakta igo long Kainantu distrik edministreta Ako Onise long Kainantu long las wik Sande. Poto: Willie Palme

katim gras na tu hap we trakta i ken pulim na brukim graun long mekim wok faming.

Dispela trakta bai mekim planti gutpela wok insait long

dispela liklik foa-kona taun long Kainantu long katim gras long ol fil na mekim ples i luk nais na tu em bai helpim distrik long ol agrikalsa progem.

Mista Beseo i tokim DA na tu Kainantu Eben Lokal Level Gavman menesa, Nicky Enekime long patim ol bikpela gras we i gro long ol pilai graun na pablik ples insait long Kainantu taun wantaim dispela trakta. Em i tok tu olsem dispela trakta mas helpim long rausim ol pipia long ol dram i stap nabaut insait long taun.

Mista Beseo i tok tu olsem Kainantu em mausrot long ol pipel bilong Hailans rijen we i gat planti risos tru i stap long en olsem na Kainantu i mas soim gutpela piksa long ol nupela lain husat i laik raun i go antap long Hailans rijen.

Em i tok strong olsem dispela nupela trakta bai stap aninit long lukaut bilong distrik edministresin wantaim sapot long baset long ronim i kam long ofis bilong en na i no ken stap long han bilong Kainantu taun atoriti.

MP Beseo i tokim taun menesa bilong Kainantu olsem em mas givim ol wok plen bilong em i go long distrik edministresin pastaim, sapos em i laik yusim trakta.

DA bilong Kainantu, Mista Beseo i tok tenkyu long Mista Beseo long luksave long wanem ol nid i stap long distrik na i givim dispela helpim. Dispela kain helpim i gutpela long sait bilong taun na tu ol viles manmeri long wok agrikalsa.

Long sait bilong wok agrikalsa, dispela trakta bai helpim long brukim graun na ol fama i ken mekim gaden na groim inap kaikai long givim i go tu long helpim likwifait netsurel ges (LNG) projek long Sauten Hailans. Dispela em bikos Kainantu i gat gutpela graun we i gat gutpela gris na ol gaden kaikai na fres kumu i save gro nais tru.

Buy 4WDs - trucks - buses - sedans from Japan

Tel: +81-52-219-9024 / Fax: +81-52-219-9025

1000 used vehicles from Japan:

www.JapaneseVehicles.com

GO

Some example:

PRICES IN PNG KINA, SHIPPING COST AND TAXES NOT INCLUDED.



SN 114247
TOYOTA Trueno '98
1.6ltr petrol, AT, white, 73,000km



SN 117370
NISSAN Sunny '00
1.5ltr petrol, AT, silver, 100,000km



SN 115257
NISSAN Cefiro Wagon '99
2.0ltr petrol, AT, whitepearl, 121,000km



SN 117511
TOYOTA Vista '97
2.0ltr petrol, automatic, white, 90,000km



SN 117602
TOYOTA Ipsum '97
2.0ltr petrol, AT, silver, 7 seats, 75,000km



SN 114170
MAZDA Trubute '01
2.0ltr petrol, AT, silver, 74,000km



SN 117628
MITSUBISHI Challenger '97
2.8ltr diesel, AT, silver, 91,000km



SN 117819
NISSAN Homy '98
3.2ltr diesel, MT, white, 15 seats 153,000km



SN 117367
TOYOTA Hiace '01
3.0ltr diesel, AT, white, 10 seats 103,000km



SN 117786
MAZDA Titan '99
4.3ltr diesel, MT, white, 157,000km, High deck, 3 Ton

Wei Bilong Baim Kar Ikam Long Japan

1. Makim kar bilong yu.
Sekim web-sait bilong mipela o askim wanpela sels edvaisa bilong mipela



2. Askim tasol long wanpela fri kwotesin.
Ringim mipela long telefon, fex o e-mail.



3. Pinisim peimen.
Peim long US Dola igo long benk akaunt bilong mipela.



4. Bai mipela salim kar bilong yu long sip.
Gutpela rot long salim long sip na save kam hariap tru.



5. Yu kisim kar bilong yu.
Peim takis, rejistarim kar ya na yu redi long draivim.



Contact us and leave your telephone number, we will call you back. From 8:00 to 23:00, PNG time, ask for Roger / Juan.

TEL +81-52-219-9024 / FAX +81-52-219-9025

WEB www.JapaneseVehicles.com / EMAIL sales@JapaneseVehicles.com

SPARE PARTS SERVICE

Genuine Spare Parts from Japan
EMAIL parts@JapaneseVehicles.com / TEL +81-52-219-9358



traim kisim bal

mi inap long kalap na aburusim yu

luk luk long ples na ron

Inglis no nap pilai long 4 Nations

STA pilaia bilong Melbourne Storm, Greg Inglis bai no inap stap long 4 Nations kempen bilong Australia, bihain long ol i katim sol bilong em dispela mun.

Inglis bai pilaim las gem bilong em bilong Storm long Sande agensim Newcastle Knights long AAMI Pak. Em i sainim pinis kontrak wantaim nupela klab bilong em, Brisbane Broncos.

Broncos yet i no laik bagarapim Darren Lockyer long hariapim em long stap insait long 4 Nations, tasol ol i tok olsem Inglis bai mas kisim operesen bai em i ken stap redi gut long 2011 sisen.

'Inglis bai kisim operesen long ol wik i kam, olsem na em bai redi gut long statim pilai bilong em neks yia wantaim Broncos taim 2011 NRL sisen i kirap long namel bilong mun Mas,' Broncos klab i tok long websait bilong ol long Trinde dispela wik.



NOGAT MOA: Sta pilaia bilong Melbourne na nupela memba bilong Brisbane Broncos, Greg Inglis bai no inap pilai long 4 Nations, makim Australia. (AAP Images)

'Taim bilong strongim atek': Creagh i tok

PAIA fowet bilong St George Illawarra Ben Creagh, i tok Dragons bai lukluk long strongim atek bilong ol long resis i go insait long fainols bai ol i noken abrus long kamap long gren fainol olsem ol i mekim las yia.

Ol i no wanbel long planti sut toktok olsem ol i nogat inap strong long winim ol gem na stap insait long fainols sisen we bai kamap long dispela mun, Septemba.

Long rausim ol dispela sut tingting, ol Dragons i wok long strongim atek bilong ol tupela mun nau. Ol i gat bikipela laik long stap insait long namba wan gren fainol bihain long ol i bin kam insait long resis long 1999.

"Mipela kisim bikipela skul long las yia," Creagh i tok.

"Mipela i lainim olsem mipela i noken pilaim wankain stail futbol long Raun 1 i go inap Raun 26. Mipela mas miksim nabaut na senisim na strongim atek bilong mipela.

"Em wanpela samting mipela bin mekim las yia, we mipela i stap isi tasol na mipela i no strongim ol wan wan ol eria. Dispela ol eria em mipela i wok tren long strongim long 10-pela wik nau.

"Mipela bai go het long mekim dispela i go inap long semi fainol long strongim pilai bilong tim long olgeta hap kona bilong fil."

Ol Dragons i bin strong tru long 2009 na ol i bin pinis ol maina premia, tasol ol bin lus tru long fainols taim ol i go daun long han bilong Parramatta na Brisbane.

Bihain long ol i winim namba tu maina premiasip dispela yia, taim ol i daunim Newcastle, 26-18, Creagh i tok tim i redi long abrusim wankain birua ol i bungim las yia.

"Em i bin daunim mipela tru las yia, bikos mipela bin ol maina premia," em i tok. "Sampela long ol dispela pen mipela i pilim las yia i stap yet, na mipela no laikim em long kamap gen.

"Tasol olsem mi tok, mi ting olsem mipela kisim bikipela skul tru long las yia na mipela i save wanem samting



SAVE STAP: Save bilong holim strong maina premiasip i stap long atek. Dispela mipela bai strongim, Creagh i tok. (AAP Images)

mipela i mas mekim dispela taim gen."

Creagh i tok konsistensi o strongpela pilai olgeta wik em i samting we i ken helpim ol, na kosa Wayne Bennett i wari liklik yet long sampela ol pundaun bilong ol long ol las tupela gem bilong ol.

Dragons i bin lid taim ol i pilai wantaim Canberra Raiders 4-0 long hap taim tupela wik i go pinis, tasol long seken hap, ol Raiders i kilim ol. Na las wik, ol i bin lid agensim Newcastle 22-0 long fes hap, tasol klostu Knights i kisim ol wantaim tripela trai. "Dispela Canberra gem i no namba wan pilai bilong mipela," Creagh i tok. "Mipela i hatwok long fes hap, tasol ol i bagarapim tru mipela long seken hap, na mipela i pilim stret.

"Fes hap bilong Newcastle gem em namba wan pilai tru mipela i mekim, tasol long seken hap, mipela i isi gen, na dispela mipela i no noken mekim moa.

"Mipela no pilai strong olgeta pilai, tasol mipela i wok pilai gut na taim mipela i bungim Manly tripela wik i go pinis, em i orait.

"Ating dispela 10 o 15 minit pilai em mipela i mas strongim."

Creagh i tok tu olsem i no gutpela ol

i kisim ol sut toktok long fom bilong tim long tupela mun i go pinis.

"Ol sapota i tok mipela i pundaun na bagarap, tasol mi no ting i olsem," em i tok. "Mipela wok lusim pilai long wanpela o tupela poin tasol, na i no olsem ol i bagarapim mikpela tru."

"Mipela i no pilai nogut olgeta, mipela no skorim inap poin long win gut. Ol em ol gutpela tim tu, olsem na mipela i no pundaun olgeta. Em i soim mipela olsem mipela i mas skorim moa poin, na maski long mekim samting mipela i mekim na lus long en."

Creagh i tok ron bilong Dragons i go long pinis bilong sisen em i gutpela long strongim premiasip bilong ol, na gem long Sande agensim South Sydney em ol i mas winim long gat sans long pilai yet insait long top eitpela tim.

"Ol i wok long kisim bek ol biknem pilaia bilong ol nau, na mipela i was long ol i stap," em i tok.

"Las foapela wik, mipela i wok long pilai agensim sampela ol hap hap sait tasol, na olgeta gem em i wok long spit na strong tru.

"Em kain pilai yu mas bungim long redi long kisim ol strongpela gem bihain long en."

SPOTS DRO RAUN 26

Sept. 3-6 2010

Gems bilong dispela wik

	Broncos V ^s Raiders	
	Cowboys V ^s Roosters	
	Dragons V ^s Rabbitohs	
	Eels V ^s Warriors	
	Panthers V ^s Sharks	
	Eagles V ^s Bulldogs	
	Storm V ^s Knights	
	Titans V ^s Tigers	

Raun 25 - Poin Leda

	TIM	Pts
1	Dragons	36
2	Tigers	34
3	Titans	32
4	Panthers	*30
5	Warriors	30
6	Roosters	30
7	Eagles	28
8	Raiders	28
9	Rabbitohs	26
10	Broncos	26
11	Knights	24
12	Eels	24
13	Bulldogs	*20
14	Sharks	18
15	Cowboys	15
16	Storm *	0

*Ol i rausim olgeta poin bilong Melbourne bilong 2010 sisen.

Royals winim namba 11 gren fainol

Bustin Anzu i raitim

MOROBÉ Ragbi Yunion i bin witnesim namba 11 gren fainol bilong Consort Express Lines Royals long SCRUM oval long las wik Sarere.

Insait long traipela ren na graun i bagarap olgeta, ol polisman i winim namba wan birua bilong ol NGI Harlequins 7-3 na dispela em wanpela gutpela na switpela fainols bilong ol polisman, bihain long ino pilai long gren fainol bilong 2009.

Lae Polytec sumatin Lance Kuveau i kikim wanpela bal igo daun na bihain bihainim igo na kikim gen. em i kisim dispela bal na bihain pundaun antap long trai lain. Em yet i kikim dispela bal na skoa igo antap 7 nil insait long namba wan hap.

Taim ol i pilai insait long namba tu hap, ol Royals i mekim planti asua na ol birua bilong ol i kisim penalti. Na wanpela bilong ol dispela penalti, ful bek Raymond Tau i kisim igo insait na ol i kisim tripela poin, fopela poin sot.

Harlequin i bin lukim planti spes istap nating na ol i laik brukim banis tasol Royals ino inap givim ol spes long igo insait long skoa.

Maski em i bin traipela ren,

tupela tim wantaim ino lusim ol bikipela bal i kam antap. Tupela tim wantaim i holim ol dispela bal gut tru.

Dispela 2009 gren fainol em inap long namba 12 tasol igat sampela asua stap namel long Harlequins na Unitec Red olsem husait tru bai pilaim Royals. Olsem na ol eksekutiv bilong Morobe Ragbi Yunion ino makim wanpela wina long dispela taim.

Dispela namba 11 win bilong Royals i mekim bel bilong sponsa bilong ol Consort Express Lines Limited i amamas olgeta na ol i tok ol bai stap wantaim ol long narapela 11 yias.

Insait long wanpela strongpela pilai, we i lukim skoa lain ino senis na Royals ino win long wanpela bikipela skoa. Ol i winim ol birua bilong ol long wanpela poin tasol na dispela i soim olsem ragbi yunion i mekim mak bilong em insait long provins.

Royals i kamap olsem wanpela strongpela ragbi tim insait long provins na ol i bin tok aut olsem ino gat wanpela tim inap long winim ol long kain gren fainol olsem.

Royals ino bin pilai o yusim ol olupela mangi bilong ol long pilai. Tasol ol i yusim ol nupela mangi husait i bin mekim mak

bilong ol olsem junia na kam antap.

Ol mangi long Papua Kompaun tu i bin kamapim wanpela strongpela pilai long wanem, ol i gat gutpela ol mangi istap tasol ol ino mekim long winim ol polisman.

Ol nupela pes long Royals olsem Neil Wimbi, tupela Sukumbal brata Willie na Sawi, Cosmos Kafur, Noel Kumbaia, Lone Henao, Lloyd Bureng na Lance Kuveau i bin mekim bikipela wok long kisim ol igo insait long wanpela bikipela fainols.

Strongpela fowet bilong Royals Winston Ninjipa igat bilip olsem dispela nem bilong Royals i stap nau long han bilong ol yangpela, long wanem, ol i soim kala bilong ol tru tru long dispela bikipela dei.

“Mi yet mi amamas long winim dispela gren fainol gen. Mi bin pret liklik long wanem, ol Harlequins igat gutpela ol mangi long pilai na mi ting ol bai winim mipela tasol ol junia Royals i pilai gut tru na mipela i winim taitol bek,” em i tok.

Em i tok tu olsem salens nau i stap long ol dispela yangpela mangi long tim long karim igo bihain taim. Planti bilong ol bai lusim long wanem, ol i kam long mak na



Albert Kaupa: Kaupa (n) i laik redi long kalap long kisim bal long wanpela lain aut. Royals i win 7-3

arere bilong pilai na ino inap pilai moa.

Neil Wimbi, Willie na Sawi Sukumbal, Cosmos Kafur na Noel Kumbaia ol i bin stap liklik mangi taim Royals i bin namba wan gren fainol bilong ol long 1999 long Se Ignatius Kilage Stadium. Ol i bin bagarapim tru Telikom 59-nil.

Ol dispela mangi i bin igat 9 na 10 krismas na ol i bin go na lukim ol bikipela mangi bilong ol i winim dispela taitol.

Long wankain taim tu, Henao, Bureng na Kuveau i bin gat wankain krismas na ol i stap long hap kona bilong ol yet na ino save olsem bihain bai ol i joinim dispela tim we i stap king bilong Morobe ragbi yunion. Nau, ol i joinim tu dispela tim na amamasim 11 gren fainol wantaim.

Sampela bilong ol olupela pes i pilai wantaim ol em Ninjipa yet, Albert Kaupa, husait i save skul long Madang tasol kam long pilai long klab bilong em, Gedion Asimda na Simon Oumba.

Long prop Oumba, em i bin pilai samting olsem 15 yia long risev gret na ino save pilai long primia tim olsem nau. Long wanem, ino gat sans long em i ken pilai.

“Nau mi amamas na pulap olsem mi pilai trupela gren fainol bilong mi na mi bai go wantaim bel isi long maunten bilong mi long Watabung long

Goroka,” em i bin tok.

Long Kuveau, dispela trai em wanpela trai bai em i tingim long laip bilong em long ragbi yunion long bihain taim olsem trai bilong em i mekim na Royals i winim dispela namba 11 gren fainol win bilong ol.

“Mi yet ino bilip olsem dispela trai bai mekim na mipela Royals bai holim namba 11 taitol gen. Mi amamas tu long wanpela gutpela tim we i gat gutpela ol mangi bilong pilai tu i stap,” em i tok bihain tasol long ol i kam pulim em igo bilong hapim em na amamas raunim fil.

Long patron bilong klab Giossi Labi, fainols i no nupela samting long wanem, nogat wanpela tim inap winim Royals bilong Lae, maski hamas taim ol i traim.

Man makim maus bilong sponsa Paul Sevua, ino tingim wanpela taim em ino amamas long kain win bilong Royals.

Em i stap na witnesim olgeta fainols na sampela taim save mekim olsem, win i laik sot taim skoa i sanap klostu na difens i stap klostu long ol.

Bihain long olgeta pilai i pinis na nogat man moa long lukim bagarap bilong SCRUM oval, dispela tropi i wokobaut isi isi go bek long Bumbu polis bareks, bareks we igat nem wantaim ol binatang o temait, we save bagarapim ol haus.

Dispela tropi i go bek long olupela ples bilong em, we em i bin stap 10 yias pastaim.



11th title: Ol pilaia wantaim tropi bilong ol.

Courts (PNG) Ltd promosen sapotim PNG Tim long Komonwelt Gems

James Kila i raitim

COURTS (PNG) Limited insait long 'Hero Deals' promosen bilong en i sapotim gen PNG Spot Federesin na Olimpik Komiti na PNG Tim long go pilai long Komonwelt Gems long Delhi, India long dispela yia.

Paul Pople bilong Courts (PNG) long las wik Fraide i tokaut olsem Courts i bilip long givim bek helpim i go long komyuniti na putim smail long pes bilong ol manmeri. Insait long dispela ol i laik helpim ol yangpela spot manmeri long lukim dri-man bilong ol i karim kaikai.

Mista Pople i tok ol i kamap wantaim 'Hero Deals' promosen long strongim

dispela pasin olsem ol bilong PNG stret. Moa long en tu ol i laikim ol pipel bilong PNG i sapotim PNG Tim husat i go pilai long Komonwelt Gems long India.

Insait long dispela promosen bilong Courts (PNG) em ol i tokaut long en bai lukim olsem taim ol manmeri long kantri i baim sampela samting long stua bilong Courts em mak olsem K100 o moa, ol bai sapotim PNG Tim husat i go long Komonwelt Gems long Delhi long India.

Mista Pople i tok taim ol i baim samting em prais mak i stap long K100 o moa, bai K5 bai go long sapotim PNG Tim.

PNG Tim i go long Komonwelt Gems long Delhi, India bai lukim 120 spot manmeri na ofisal we i kam long 8-pela spot.

Long namba wan taim tru netball tim bi-long PNG bai go pilai wantaim ragbi sevens, husat i bin pilai long las gem long Malaysia long 1998.

Long dispela yia ol spot we bai makim PNG long Delhi em atletiks, laun-bouls, skwas, weiltifting na ol na ol etlits wantaim disability bai pilai long atletiks na pawa-lifting.

Mista Pople long taim em i tokaut long 'Hero Deals' promosen i askim ol manmeri long kantri we i gat Courts stua i stap long en long go na baim ol gutpela samting i stap long stua long helpim PNG Tim.

Deputi Siameri bilong PNG Etlits Komisn, Mona-Lisa Leka i tok amamas

long Courts (PNG) long helpim wantaim dispela 'Hero Deals' promosen long sapotim gen PNG Spot Federesin na Olimpik Komiti wantaim PNG Tim i go long Delhi long India long Komonwelt Gems.

Las yia Courts (PNG) Limited i sapotim Tim PNG i go long Pasifik Mini Gems insait long sapot em i givim long tupela Praim Minista Koporet Golf Salens na Trukai Olimpik De Fan De.

Long 2006 Komonwelt Gems long Melbon, Australia, PNG i bin mekim gut taim Ryan Pini i winim gol medol long 100-mita bataflai swim na Dika Toua i winim silva medol long 53-kilogrem di-visin long spot bilong weiltifting.



Ol tim menesmen bilong PNG Tim husat bai go long Delhi, India na ol lain bilong Courts (PNG) Limited i soim pasin bilong wok bung wantaim. Poto: James Kila

SPOT RAUN

WANTAIM

Scott Vavine, ML



Wok bilong ogenaism tonamen

OL tonamen em ol bikpela pilai we i save kamap insait long sotpela taim, olsem wan or tupela de o wanpela wik wantaim planti tim i resis insait long wanpela o planti spot.

Planti tim na pilai save kamap insait long dispela sotpela taim olsem na wanpela save man husat i gat eksperiens long mekim dispela wok i mas go pas long ronim ol kain tonamen.

Dispela man o meri mas i gat gupela tingting long wok, i save lukautim na ronim gut wok bilong em na tu i wanpela gupela lida husat olgeta i ken bilip long em i mekim wok stret.

Dispela kain save na skil bilong em bai helpim em long mekim gut ol plen bilong tonamen bipo long ol pilai kamap na tu long taim ol i kamap.

I mas i gat wanpela ogenaism komiti bilong dispela tonamen long kamap wanpela tonamen plen.

Dispela plen i mas soim tonamen bai ron olsem wanem long stat i go inap long pinis bilong en.

Em i mas soim hamas mani em bai kos na wanem ol arapela samting i mas i gat long ronim gut tonamen.

Wanwan memba bilong Komiti bai gat wok bilong ol long mekim.

Dispela ol wok i mas kamap sampela mun bipo long tonamen i kamap.

Long ol lokol tonamen, Komiti mas statim wok 6-pela mun bipo long ol pilai stat.

Long ol bikpela tonamen, ol i mas kisim olsem wanpela yia long redi.

Ogenaism komiti save gat wanwan wok bilong ol long dispela taim.

Dispela ol wok i mas kamap bihainim ol det na taim ol i makim long en.

Ol lain ol i makim long stap long dispela komiti mas ol lain husat i gat gupela save na eksperiens long mekim dispela kain wok.

Dispela bai lukim ol i mekim gut wok na tonamen bai ron gut tru.

I mas i gat wanpela man long lukautim baset na ron bilong mani bilong tonamen.

Dispela em wanpela bikpela eria long lukluk long en taim yu mekim plen bilong tonamen bilong yu.

Long hia bai yu painim aut sapos bai yu mas i gat moa mani o painim sponsa.

Dispela baset bai lukautim olgeta kos bilong tonamen.

Baset bai helpim komiti tu long save wanem hap bai ol i go long kisim moa mani o sponsa bilong ronim tonamen.

Ples bilong pilai tu em i narapela samting we i mas gat planti luksave long en.

Hamas pilai graun na ol samting bilong pilai mas i stap bilong dispela tonamen?

I mas i gat inap pilai graun bilong holim olgeta tim lng wanwan pilai.

Dispela ol pilai graun mas i gupela inap long mak we ol Intanesenel federesen bilong wanwan spot i laikim.

Ol dispela pilai graun i mas gupela bai ol pilai i noken kisim bagarap long en taim ol i pilai o trening.

Kiap no wanbel long sut toktok

PRESIDEN bilong Nesenel Kapitel Amata Boksing Asosiesen, Honk Kiap, i tok kros long ol sut toktok sampela boksing klab i tromoi olsem em i abrusim miting bilong ol bai ol i no inap votim ol nupela opis eksekutiv bilong asosiesen.

Sampela ol boksing klab long NCD i bin autim tingting olsem Kiap i save long dispela miting we ol i laik mekim Anuel Jeneral Miting bilong NCD Amata Boksing Asosiesen, tasol em i no kamap long abrusim ileksen long senisim em.

Kiap i tok olsem ol dispela klab i mas lukluk long ol yet long as we dispela miting i no bin kamap.

Em i tok ol i nogat rait long askim long makim ol nupela eksekutiv taim ol yet i no ol afiliet memba bilong asosiesen.

"Mi givim ol inap taim long baim afiliesen fi we i sanap long K200. I kam inap nau, ol dispela klab i no peim yet.

Kiap i tok em i no hat bikos ol i ken peim fi long opis na kisim risit, o peim long benk na kisim diposit slip long stap insait long ileksen o long toktok makim asosiesen.

Em i tok moa olsem asosiesen yet i nogat rekod bilong ol eksekutiv bilong ol dispela klab na ol afiliesen fi bilong ol, olsem na, "bai ol i tok ol em ol eksekutiv bilong ol boksing klab na laik stap insait long ileksen bilong Nesenel Kapitel Distrik Amata Boksing Asosiesen, we i no bihainim konstitusen?"

Em i tok olsem ol rekot bilong

asosiesen i soim olsem i gat faivpela tim tasol i afiliet las wik, em 9-Mail, Taurama, Koki, Difens na Goldie.

Ilekseen bilong ol NCDABA eksekutiv bai kamap long Fraide dispela wik long Lagatoi Haus bod rum long 10 kilok moning. Kiap i tok ol afilietet memba bilong asosiesen tasol bai nap stap insait long dispela ileksen.

Detlain bilong afiliesen em las wik Fraide, tasol bikos ol Benk Saut Pasifik woklain i bin straik, Kiap i surukim detlain i go long dispela wok Fonde (Tude).

Em i givim to lukaut tu long ol lain i bin go pas long wanpela pait tupela wik i go pinis namel long ol profesenel boksa na ol amata, we em i tok em i brukim lo, na i ken kamapim birua.

"Asosiesen bilong mi bai no inap larim wanpela pait namel long ol profesenel boksa na ol amata," em i tok. Mista Kiap i tok em bai givim wanpela fomal ripot long PNG Spots Faundes, PNG Spots Federesen na polis long mekim moa painimaut long dispela.



SAPOT EM MIPELA YA! MASKI long wanem kain spot pilai i kamap, i mas i gat ol daihat sapota i stap. Sapos klostu long ful taim, na tim bilong ol i winim gem, bai yu lukim ol i kalapim banis i go insait long fil na traime apim ol fevret pilaia bilong ol. Ol dispela stail mangi i no wari long ol sekyuriti gat. Nogat. Ol i amamas nogut tru na laik go karim faivet bilong Warriors long bemobile Kap resis. Taim sapota i stap, ol spot pilai bai stap. Poto: Nicky Bernard.

Masta Mak Rangers redi long paia gen wantaim Muruks

■ Ikam long pes 28

Kepten bilong Muruks Joseph Omae bai go pas long ol fowat wantaim ol fowat olsem Steven Johns, Bobby Yakopa na Paulus Mondo, na long beklain em bai lukim senta Wesley Benny, Bit Embia na Rodrick Puname wantaim helpim i kam long stail boi Morobe em Andrew Sam, husat i save sevim ol gut tru taim em i go insait long risev. Las wik fil gol bilong Andrew tasol i helpim Muruks i winim Kongo Coffee Simbu Warriors 7-6 insait long strongpela gem bilong ol long Lae.

Rangers bai kisim strong long ol intanesenel pilaia bilong en olsem Francis Ray, Nixon Kolo and Simon Young wantaim tu stail senta na foma Lahanis pilaia Anton Kui long beklain.

Gem namel long Mioks wantaim

Guria bai wanpela strongpela gem tu bikos ol Mioks i wok long hangre tru long kisim maina primiasip na ol menesmen bilong tim i wok long toktok tumas long niuspepa olsem tim bilong ol i redi tru long go insait long fainol long dispela yia.

Mioks bai yusim ol lain olsem James Gend na David Loko long givim strong long fowat bilong en tai mol i bungim Gurias. Beklain bilong Mioks i gat ol strongpela winga olsem Jason Tali na tupela senta em Sent Angra na Jeffrey Maino husat bai kisim sapot i kam long hap posisen olsem Peter Peyela, James Meninga na stail huka Mai Tom.

Dispela gem long Lae bai lukim tru sapos Vipers wantaim intanesenel faivet bilong en, Jessie Joe Parker i ken bung gut wantaim hapbek Peter

Paulus na beklain olsem kepten Eki Ene i givim sapot long ol fowat olsem Sebastian Pandia wantaim ol poro bilong em long fowat posisen.

Vipers i mas winim dispela gem long Lae sapos em i laik go insait long fainol resis. Sapos ol i lus bai sans i lus na ol tim olsem Rangers na Warriors bai surik i go insait long top 5 ples long fainol.

Narapela gem long Kundiawa long dispela Sande bai lukim Warriors i redi long bekim dinau taim ol i bungim Mt Hagen Kuris.

Long raun wan, Kuris i bin givim kiau stret long Warriors taim ol i winim ol boi Simbu 36-0.

Dispela wiken bai narapela stori na olgeta lain long 4-kona taim bilong Kundiawa i seksek pinis long go na sapotim tim bilong ol.



Masta Mak Rangers redi long paia gen wantaim Muruks

James Kila i raitim

WANPELA strongpela salens tru bai kamap long raun 16 bi-long bemobail Kap resis dispela wiken taim SBS Mendi Muruks i traim strong wantaim Masta Mak City Rangers long Lloyd Robson oval long Sande.

Dispela gem bai wanpela strongpela gem tru bikos Rangers i laik kisim ples insait long fainol bihain long tupela wik taim na ol bai yusim olgeta pawa bilong ol egensim Muruks long Sande.

Las wiken Rangers i daunim Toyota Enga Mioks na dispela wiken ol i redi long sutim daun Muruks, sapos ol i no was gut.

Narapela bikpela gem tu long dispela wiken bai lukim Agmark Guria i go olgeta long Wabag long bungim Toyota Enga Mioks long pilai bilong ol, na Lae Bombers bai bungim Stop n Shop Vipers long Lae.

Long dispela wiken Bintangor Goroka Lahanis i malolo na bai kisim isi tupela poin long helpim ron bilong en insait long resis pastaim long fainol i stat long tupela wik taim.

Gem bilong Rangers wantaim Muruks bai wanpela gutpela gem tru long lukim bikos tupela tim i gat ol strongpela pilai husat bai traim soim stail na strong bilong ol.

■ Igo long pes 27



Masta Mak City Rangers senta Anton Kui mas pilai strong long traim daunim foma tim bilong em Mendi Muruks long Sande.

NISSAN URVAN

**DRAIVIM IGO
tasol long
K69,900**



- 3.0 Lita Disel Engin
- 5 Spid Manuel Transmisen
- Mor Pasindia Hetrum
- Redieta stap wan mita bihain long frant bampa



*Piksa bilong edvetismen tasol.

**BOROKO
MOTORS**

PORT MORESBY
LAE
MT HAGEN
TABUBIL

PH: 325 5255
PH: 472 1144
PH: 542 1933
PH: 649 9048

KIMBE
MADANG
RABAU
Website: www.boroko-motors.com

MP105878